

# Anthologia<sup>2</sup>

*Latin Anthology*

## L A T I N A :

S I V E

Epigrammatum Poematúmque  
Latinorum Florilegium.

E X

rioribus ( præcipuè ) Veterum  
monumentis quæ in Scholis  
non adeò teruntur desumptum.

---

In Usum SCHOLÆ  
*inclytæ Civitatis*

D U B L I N I I.

---


DUBLINII,

ypis Regiis, Et venum dantur apud  
JOSEPHUM WILDE.

MDC.LXXIV.









## ERRATA insigniora.



**P**ag. 17. lin. 13. lege inerti. p. 21. l. 4. leg. perisse  
 p. 24. l. 8. leg. graculus. l. 15. leg. sacro. p. 27.  
 l. 7. leg. Et misceret. ibid. l. 24. leg. Et quum. p. 28.  
 l. 4. leg. Et si. pag. 29. l. 3. leg. prænomen. ibid. l. 22.  
 leg. Medicum. p. 32. l. 27. l. aliquid. pag. 40. l. 9.  
 leg. ocellis. p. 47. l. ult. p. 49. l. 2. leg. statera. ibid.  
 l. 7. leg. opima. ibid. l. 23. l. acies. ibid. l. 28. l. vir-  
 gis. p. 64. l. 2. l. tragicos. pag. 65. l. 10. l. exper-  
 tem. p. 70. l. 19. l. contrectata. p. 73. l. 23. l. censum.  
 pag. 75. l. 1. leg. spirare. p. 76. l. 18. mallem omnia  
 p. 80. l. 9. leg. neglexerim. Punctorum lapsus, qui  
 sunt, exigui videntur momenti.



18<sup>th</sup>

R. B.

Al

I

Milit

Ap

Si fa

In

Odi

N



# ANTHOLOGIA LATINA.

I.

PETRONII.

**I**nveniat quod quisque velit: non omnibus unum est  
Quod placet. Hic spinas colligit, ille rosas,

II.

**N**il planè est, quod non mortalibus afferat usum  
Rebus in adversis, quæ jacuere placent.

III.

Militis in Galeâ nidum fecere columbæ:  
Apparet Marti quam sit amica Venus.

IV.

CATULLI.

*Si sapiſ iratus quicquid tibi dicit amicus,*  
Invento & rapidâ scribere oportet aquâ.

V.

Odi & amo: quare id faciam fortasse requiris?  
Nescio: sed fieri sentio, & excrucior.

A 2

VI.

( 4 )

VI.

Nil nimium studeo , Cæsar, tibi velle placere :  
Nec scire utrum sis albus, an ater homo.

VII.

CLAUDIANI

Paupertas me sæva domat, dirûsq; Cupido :  
Sed toleranda fames, non tolerandus amor.

VIII.

AUSONII

*De Leone a Valentiniano juniore interfecto*  
Quod Leo tam tenui patitur sub arundine lethum,  
Non vires ferri sed ferientis agunt.

IX.

Elinguem quis te dicentis imagine pinxit ?  
Dic mihi, Rufe; Taces ? Nil tibi tam simile est

X.

Hæc Rufi tabula est, nil verius. Ipse ubi Rufus ?  
In Cathedrâ. Quid agit ? Hoc quod & in tabulâ

XI.

Errâsti attendens hæc ilia nostra, juvence :  
Læc manus artificis non dedit uberibus.

XII.

Pasce greges procul hinc : ne quæso, bubulce Myronis  
Æs veluti spirans cum bubus exagites.

XIII.

Hoc quod amare vocant misce , aut dissolve Cupido

Aut neutrum flammis ure vel ure duos.

X I V.

Dodra ex dodrante est : Sic collige; jus, aqua, vinum,  
Sal, oleum, panis, mel, piper, herba, novem.

X V.

Incipe, dimidium facti est coepisse : superfit  
Dimidium, rursus hoc incipe & efficies.

X V I.

Daphnen & Nioben saltavit simius idem ,  
Ligneus ut Daphne, faxeus ut Niobe.

X V I I.

*De Narcisso.*

Quid non ex hujus forma pateretur amator,  
Ipse suam qui sic deperit effigiem ?

X V I I I.

*Epicuri Placitum.*

Quod est beatum , morte & æternum carens,  
Nec sibi parit negotium, nec alteri.

X I X.

Sanus piger febriente multò est nequior :  
Potat duplum, dapesq; triplices vorat.

*De Amisâ Filiolâ.*

Tres fuerant Charites, sed, dum mea Lesbia vixit,  
Quatuor : ut periit tres numerantur item.

## XXI.

Stella prius superis fulgebas Lucifer : at nunc  
Extinctus, callis lumine Vesper eris.

*E Libello qui inscribitur Cato.*

## XXII.

Virtutem primam esse puta compescere Linguam :  
Proximus ille deo qui scit ratione tacere.

## XXIII.

Qui sibi non constat, pugnat contrarius in se :  
Conveniet nulli, qui secum dissidet ipse.

## XXIV.

Rem tibi promissam certò promittere noli :  
Rara fides ideo est, quia multi multa loquuntur.

## XXV.

Cum te quis laudet iudex tuus esse memento :  
Plus alijs de te, quam tu tibi, credere noli.

## XXVI.

Officium alterius multis laudare decebit :  
Atq; alijs, cum tu bene feceris, ipse filito.

## XXVII.

Ne timeas illam, quæ vitæ est ultima finis :  
Qui mortem metuit, quod vivit perdit id ipsum.

## XXVIII.

Quæ culpæ soles ea tu ne feceris ipse:

Turpe est doctori, cum culpa redarguit ipsum.



## XXIX.

Corporis exigui noli contemnere vires :  
 Consilio pollet , cui vim natura negavit.

## XXX.

Esto animo forti , cum sis damnatus iniquè.  
 Nemo diu gaudet qui iudice vincit iniquo.

## XXXI.

Litis præteritæ noli maledicta referre :  
 Post inimicitias , iram meminisse malorum est.

## XXXII.

Neve palam laudes , neu te culpaveris ipse :  
 Hoc faciunt fructi , quos gloria vexat inanis.

## XXXIII.

Insipiens esto cum tempus postulet , aut res :  
 Stultitiam simulare loco prudentia summa est ,

## XXXIV.

Successus noli indignos tu ferre molestè :  
 Indulget fortuna malis ut lædenda possit ,

## XXXV.

Rebus in adversis animum submittere noli :  
 Spem retine , spes una hominū nec morte relinquit.

## XXXVI.

Quamprimum rapienda tibi est occasio prima :  
 Fronte capillatā , post est occasio calva ,

## XXXVII.

Quod sequitur specta , quodq; imminet ante videto :  
 Illum imitare Deum qui partem spectat utramque .

## XXXVIII.

Ne cures si quis tacito sermone loquatur :  
 Conscius ipse sibi de se putat omnia dici .

## XXXIX.

Vincere cum possis , interdum cede sodali :  
 Felice obsequio dulces vincuntur amici .

## X L.

Fortior ut valeas jucundis utere parcè :  
 Pauca voluptati debentur plura saluti.

## X L I.

Judicium populi caveas contempseris unus;  
 Ne nulli placeas, dum vis contemnere multos.

## X L I I.

Judicis auxilium sub iniquâ lege rogato :  
 Ipse etiam leges cupiunt ut jure regantur.

## X L I I I.

Quod merito pateris non ægre ferre memento :  
 Cumq; reus tibi sis, ipsum te iudice damna.

## X L I V.

Cum sis incautus nec rem ratione gubernas :  
 Noli fortunam, quæ non est, dicere cæcam.

## X L V.

Omnia perspicito tacitus quæ quisq; loquatur :  
 Sermo hominum mores & celat & indicat idem.

## X L V I.

Parcè laudato : nam quem tu sæpe probâris,  
 Una dies, qualis fuerit, monstrabit amicus.

## X L V I I.

Demissos animo ac tacitos vitare memento :  
 Qua flumen placidum est forsan latet altius unda.

## X L V I I I.

Thure Deum placa, vitulum sine crescat aratro :  
 Ne credas placare Deum dum cæde litatur.

## X L I X.

Uxoris linguam, si frugi est ferre memento :  
 Namq; malum est nil velle pati, nec posse tacere.

## L.

utile consilium Dominus ne despice servi :  
Nemo unquam tempfit sensus impune salubres.

## L I.

Cede locum læsus fortunæ, cede potenti :  
Lædere qui potuit prodesse aliquando valebit.

## L II.

Suspectus caveas ne sis miser omnibus horis.  
Nam timidis & suspectis aptissima mors est.

## L III.

## INTER VIRGILII FRAGMENTA.

Tarpeio quondam consedit culmine cornix :  
Est bene non potuit dicere; dixit erit.

## L IV.

Nocte pluit totâ, redeunt spectacula mane :  
Divisum imperium cum Jove Cæsar habet.

## L V.

## PALADII: Epitaphium Virgilij.

Conditus hic ego sum, cujus modo rustica musa  
Per sylvas, per rus, venit ad arma virum.

## L VI.

Subduxit morti vivax pictura Maronem,  
Et quem Parca tulit, reddit imago virum.

## L VII.

Tristia fata tui dum fles in Daphnide Flacci,  
Docte Maro, , fratrem diis immortalibus æquas.

## L VIII.

L VIII.  
PROPERTII de ÆNEIDE.

Cedite Romani scriptores, cedite Graij :  
Nescio quid majus nascitur Iliade.

LIX.

BUCHANANI.

Frustra ego te laudo, frustra me Zoile lædis.  
Nemo mihi credit, Zoile, nemo tibi.

LX.

Ad cænam sese dixit tuus affore vates.  
Dixit, sed vates dicere falsa solent.

LXI.

Omnia quod, Leonora, putant te vendere, falsum est  
Nam faciem, tibi quæ cætera vendat, emis.

LXII.

Das inopi dives, sed qualia reddere possit  
Munera ; non hoc est dicere, Redde mihi :

LXVIII.

Sylvius hic situs est, gratis qui nil dedit unquam:  
Mortuus & gratis quod legis ista gemit.

LXIV.

AUSONII.

Fortuna nunquam sistit in eodem statu.  
Semper movetur : variat, & mutat vices,  
Et summa in imum vertit, ac versa erigit.

N Ostra simul variis certant epigrammata nugis  
 Stoicus has partes, has Epicurus habet.  
 Salva mihi veterum maneat dum regula morum,  
 Ludat permissis sobria musa jocos.

## II.

Trinacrii quondam currentem in littoris ora  
 Ante canes, leporem cæruleus rapuit.  
 At lepus. In me omnis terræ pelagiq; rapina est,  
 Forsitan & coeli, sicanis astra tenet.

## III.

Thefauro invento, qui limina mortis inibat  
 Liquit ovans laqueum, quo periturus erat.  
 At qui quod terræ abdiderat non repperit aurum,  
 Quem laqueum invenit, nexuit & periit.

## IV.

*Antisthenes Cynicus Philosophus, Dialogus.*

Inventor primus Cynices ego. Quæ ratio isthæ?  
 Alcides multò dicitur esse prior.  
 Alcida quondam fuëram doctore secundus:  
 Nunc ego sum Cynices primus, & ille Deus.



*Diogenis Cynici Supellex.*

Pera, polenta, tribon, baculus, scyphus, arcta supellex.

Ista fuit Cynici: sed putat hanc nimiam.

Namq; cavis manibus cernens potare bubulcum,

Cur Scyphe te, dixit, gesto supervacuum?

VI.

Lais anus Veneri speculum dico: dignum habeat

Æterna æternum forma ministerium.

At mihi nullus in hoc usus, quia cernere talem

Qualis sum; nolo: qualis eram, nequeo.

VII.

*Myronis Euvula.*

Unam Juvencam pastor forte amiserat,

Numerumq; jussus reddere,

Me defuisse conquerebatur: sequi

Quæ noluissem cæteras.

VIII.

*Alcon Medicus.*

Alcon hesternum signum Jovis attigit, ille

Quamvis marmoreus, vim patitur medici.

Ecce, hodie jussus transferri ex æde vetustâ,

Effertur, quamvis sit Deus atq; lapis,



Ad uxorem.

Deformem quidam te dicunt, Crispe; at ego istud  
 Nescio: pulchra mihi es: iudice me satis est.  
 Quinetiam cupio, junctus quia Zelus amoris est,  
 Ut videare alijs sorda, decora mihi.

X.

Commoritur, Narcisse, tibi resonabilis Echo,  
 Vocis ad extremos exanimata modos.  
 Et pereuntis adhuc gemitus reseda querelis,  
 Ultima nunc etiam verba loquentis amat.

XII.

CLAUDIANI de Conchæ Serene.

Transferat huc liquidos fontes Heliconia Nais,  
 Et patulo conchæ divitis ore fluat.  
 Namq; latex, doctæ qui laverit ora Serenæ,  
 Ultra Pegæus nomen habebit aquas.

XIII.

De Theodoro &amp; Hadriano

Mallius indulget somno noctesq; diesq; :  
 Infomnis Pharius sacra, prophana rapit.  
 Omnibus hoc, Italæ gentes, exposcite votis,  
 Mallius ut vigilet, dormiat ut Pharius.

XIII

## CATULLI.

Quid est Catulle quod moraris emori?  
 Sella in Curuli Struma Nonius sedet:  
 Per consulatum pejerat Vatinius.  
 Quid est Catulle quod moraris emori?

## XIV.

*Ad Furium.*

Furi, villula nostra non ad Austri  
 Flatus opposita est, nec ad Favoni,  
 Nec sævi Boreæ, aut Apeliotæ:  
 Verum ad millia quindecim & ducentos:  
 O ventum horribilem atq; Pestilentem!

## XV.

*Virgilio tributum: De Priapo heritorium Deo.*

Vere rosâ , autumnno pomis , æstate frequentor  
 Spicis, una mihi est horrida pestis hyems.  
 Nam frigus metuo, & vereor ne ligneus ignem  
 Hâc Deus ignaris præbeat agricolis.

## XVI.

*De eodem : Incerti.*

credere quis posset ? falcem quoque ( turpe fateri )

De digitis fures furripuere fœcis.

Nec movet amissi tam me jactura, pudorque,

Quàm præbent justos numina nostra metus.

## XVII.

*In ejusdem Statuam horrendam.*

Hic tibi, qui rostro crescentia lilia rursus

Cæditur e tepidâ victima porcus harâ.

Ne tamen exanimum facias pecus omne, Priape,

Horti sit facias janua clausa tui.

## XVIII.

*OVIDIO tributum.*

Cùm foderet ferro castum Lucretia pectus,

Sanguinis & torrens egrederetur, ait :

Testetur cunctis me non violâsse pudorem,

Ante virum sanguis, spiritus ante Deos.

## Q. CATULLI.

Constiteram exorientem auroram forte salutans,  
 Cùm subito a lævâ Roscius exoritur.  
 Pace mihi liceat, cælestes, dicere vestrâ,  
 Mortalis Visus pulchrior esse deâ.

## XX.

*Incerti authoris. de Narcisso.*

Hic est ille suis nimiùm qui credidit undis,  
 Narcissus vero dignus amore puer.  
 Aspicis irriguæ gaudentem margine ripæ,  
 Ut per quas perijt, crescere possit aquas.

## XXI.

*Actij Sinceri.*

Dum Venus armatum complectitur obvia Martem  
 Distrinxit teneram fibula adunca manum.  
 Sensit, & antè Jovem ridens ait æmula Pallas,  
 Bella iterum gessit cum Diomede soror.

## XXII.

*Alcinoi.*

De numero vatum si quis seponat Homerum,  
 Proximus a primo tum Maro *noster* erit.  
 Et si post primum Maro seponatur Honerum,  
 Qui primum referat nemo secundus erit.

## XXIII.

*Euchanani.*

Ultimus Actæa Codrus regnavit in aula.

Rex Italo primus Cæsar in orbe fuit:

Nempe imitatores invenit dira tyrannis:

Emulus in patriam rarus amoris erit.

## XXIV.

Picta tibi est facies, mendax est lingua, manūque

Eneis annellus, vitrea gemma nitet.

Quis tibi vel verum credet, Leonora, loquenti,

Quando tui nunquam pars caret ulla dolo?

## XXV.

Pauper eram juvenis, senio confectus in ætate

Sum locuples: heu! quam sorte in utrāque miser!

Quando frui poteram rebus, mihi copia deerat:

Copia nunc superest, fructus & usus abest.

## XXVI.

Alite non faustā genti dum rursus Iberæ

Restituis musas, hic, Goveane, jaces.

Cura tui musis fuerit si mutua, nulla

*Jucole* Elysium clarior umbra nemus.

## XXVII.

*Incertorum, Epitaphium Formosissima.*

Injice, si pietas usquam est suspiria, & imple

Mecum hospes lachrymis marmoris hoc vacuum.

Nam formæ exemplum perijt cū obijt mea Lyde,

Quam petiere Dei, deperiere homines.



## XVIII.

*Aliud.*

Si fructus proprio subdit de germine tellus,  
 Si reparat sparsis debita seminibus.  
 Nascentur tumulo hoc formæ, nova messis, honores  
 Et lepor, et suavis gramina nequitia.

## XXIX.

*Regiani de Baijs*

Ante bonam Venerem gelidæ per litora Baiæ.  
 Illa natare lacus cum lampade iussit Amorem :  
 Dum natat, argentes cecidit scintilla per undas :  
 Hinc vapor ussit aquas, quicumque natavit amavit.

## XXX.

*Incerti, Cebetis tabula.*

Blanditur puero Luxus vultuque manuque :  
 Nolenti similis retrahit ora puer.  
 Quem non commoveant quamvis de marmore fundi  
 Pæne preces luxus, pæne puer lachrymas ?

## XXXI.

*Ænigma.*

Fulmina sub Jove sunt : Neptuni fuscina telum,  
 Ense potens Mars est : hasta, Minerva, tua est.



Satilibus Liber committit proelia thyrsis :

Fertur Apollineâ missa sagitta manu :

Herculis armata est invictâ dextera clava.

*Hi sua cui debent numina & arma, quis est?*

XXXII.

*Ad Vertumnum.*

Contentus modico Bacchus solet esse racetno,

Cum capiant alti vix sua musta lacus.

Magnaue foecundis cum mellibus area desit,

In Cereris crines una corona datur

Tu quoque, Dive minor, majorum exempla secutus,

Quamvis pauca damus, consule poma bonis.

XXXIII.

Hic jacet exutis Dionysia flebilis annis;

Extremum tenui quæ pede rupit iter.

Cujus in octavâ genius bene surgere messe

Cooperat, & dulces fingere nequitias.

Quod si longa tuæ mansissent tempora vitæ

Doctior in terris nulla puella foret

XXXIV.

Cornix & caries, vetusque bustum,

Foex, & putrida noxa seculorum,

Quæ forsan potuisset esse nutritrix

Tithoni, Priamique, Nestorisque,

Quid si nunc roget ut puella fiat?

Si nummi satis hæc habet, puella est.

XXXV.

*C. Julii Caesaris.*

Thrax puer affricto glacie dum ludit in Istro,

Pondere, concretas frigore, rupit aquas.

Dumque imæ partes rapido traherentur ab amne,

Abscidit tenerum lubrica testa caput.

Orba quod inventum Mater dum conderet urna,  
Hoc peperit flammis, cætera, dixit, aquis.

## XXXVI.

*Ex Petronio Arbitro.*

Quid faciant leges, ubi sola pecunia regnat,  
Aut ubi paupertas vincere nulla potest?

Ipsi qui Cynica traducunt tempora cœna,  
Nonnunquam nummis vendere verba solent.

Ergo iudicium nihil est, nisi publica merces:

Atque eques in causa qui sedet, emptâ probat.

## XXXVII.

Ales Phasiacis petita Chelchis,

Atque Afræ volucres placent palato,

Quod non sunt faciles: at albus anser

Et pictis anas enovata pennis

Plebeium sapit: ultimis ad oris

Attractus scarus, atq; arata Syrtis

Siquid naufragio dedit probatur.

Mullus jam gravis est: amica vincit

Uxorem: rosa cinnamum veretur.

Quicquid quæritur, optimum videtur.

## XXXVIII.

Quod solum formæ decus est, cecidere capilli:

Vernantesq; comas tristis abegit hyems.

Nunc umbra nudata sua iam tempora moerent:

Areaq; attritis ridet adusta pilis.

O fallax natura parens! quæ prima dedisti

Ætati nostræ gaudia, prima rapis.

## XXXIX.

Infelix modo crinibus mitebas,

Phœbo pulchrior & sorore Phœbi.

At nunc lævior ære, vel rotundo

Horti tubere, quod creavit unda,  
 Ridentes fugis & times videntes.  
 Ut mortem citius venire credas  
 Scito jam capitis perijsse partem.

## X L I X

Naufragus ejecta nudus rate, querit eodem  
 Percussus telo, cui sua fata legat.  
 Grandine qui segetes & totum perdidit annum  
 In simili deset fristia fata sinu.  
 Funera conciliant miseros, orbique parentes  
 Conjungunt gemitus, & facit hora pares.  
 Nos quoque confusis feriemus sidera verbis,  
 Et fama est junctas fortius ire preces.

## X L I

Omnia quæ miseras possunt finire querelas,  
 In promptu voluit candidus esse deus.  
 Vile olus, & duris hærentia mora trubetis,  
 Pugnantis stomachi composuere famem.  
 Flumine vicino stultus sitit, & riget Euro,  
 Cum calidus tepido consonat igne rogos.  
 Quod satiare potest, dives natura ministrat:  
 Quod docet infrenis gloria, sine caret.

## L X I I

Phoebe soror es, mando tibi Delia causam,  
 Scilicet ut fratri, quæ peto, verba feras.  
 Marmore Sicanio struxi tibi Delphice templum,  
 Et levibus calamicandida verba dedi.  
 Nunc si nos audis, atque es divinus Apollo,  
 Dic mihi, qui nummos non habet, unde petat?

## X L I I I

Indæus licet & porcinum numen adoret,  
 Et coeli summas advocet aurículas:

Ni-

Ni tamen & ferro succisus, abibit ab urbe  
 Exemptus populo, & labbata nulla colet.  
 Una est nobilitas argumentumque pudoris  
 Ingenui, timidas non habuisse manus.

## X L I I I I.

Somnia quæ mentes ludunt volitantibus umbris,  
 Non delubra deum, nec ab æthere numina mittunt  
 Sed sibi quisque facit: nam cum prostrata sopore  
 Urget membra quies, & mens sine pondere ludit.  
 Quicquid luce fuit, tenebris agit. Oppida bello  
 Qui quatit, & flammis miserandas sævit in urbes.  
 Tela videt; versasque acies, et funera regum,  
 Atque exundantes perfuso sanguine campos.  
 Qui causas orare solent, legesque forumque  
 Et pavidum cernunt inclusum corde tribunal.  
 Condit avarus opes, defossamque invenit aurum  
 Venator saltus canibus quatit. Eripit undis  
 Aut premit everfam periturus navita puppim:  
 Et canis in somnis leporis vestigia latrat,  
 In noctis spatium miserorum vulnera durant.

## X L V.

Non bibit inter aquas, poma aut pendencia capta  
 Tantalus infelix, quem sua vota premunt.  
 Divitis hæc magni facies erit, omnia cernens  
 Qui timet, & sicco concoquit ore famem.

## X L V I.

Quisquis habet nummos securam naviget auram,  
 Fortunamque suo temperet arbitrio.  
 Uxorem ducat Danaen, ipsumque licebit  
 Acrisium jubeat credere, quod Danaen.  
 Carmina componat, declamet, concrepet omnes  
 Et peragat causas, sitque Catone prior.

Multa loquor, quidvis nummis præsentibus opta  
Et veuiet: clausum pounidet arca Jovem.

## XLVII.

Fallunt nos oculi, vagique sensus  
Oppressâ ratione mentiuntur.  
Nam turris, prope quæ quadrata surgit,  
Detritis procul angulis rotatur.  
Hybleiim refugit satur liquorem,  
Et naris caliam frequenter odit.  
Hoc illo magis aut minus placere  
Non posset, nisi lite destinatâ,  
Pugnarent dubio tenore sensus.

## XLVIII.

*Pentadij.*

Non est, fallimini, hæc beata, non est,  
Quam vos creditis esse vita, Amici,  
Fulgentes manibus videre gemmas,  
Aut testudineo jacere lecto,  
Aut plumâ latus abdidisse molli,  
Aut auro bibere aut cubare cocco, aut  
Regales dapibus gravare mensas,  
Et quidquid Libyco secatur arvo  
Non unâ positum tenere cellâ:  
Sed nullos trepidum timere casus,  
Nec vano populi favore tangi,  
Et stricto nihil æstare ferro.  
Hoc quisquis Poterit, licebit illi  
Fortunam moveat loco superbus.

## XLI.

*Malus Sterilis*

Quid frustra quereris colone mecum  
Quod quondam bene fructuosa malus

Aut-



Autumnis sterilis duobus adstem ?  
 Non me prægravat, ut putas senectus :  
 Nec sum grandine verberata durâ :  
 Nec gemmas modo germine exeuntes  
 Seri frigoris ustulavit aura :  
 Nec venti , pluvixve, ficcitâsq;  
 Quod de se quererer, malum dederunt :  
 Non sturnus mihi, gracculûsve raptor ,  
 Aut cornix anus, aut aquosus anser,  
 Aut corvus nocuit siticulofus :  
 Sed quod carmina pessimi poëtæ  
 Ramis sustineo laboriosis.

L.

*Incesti.*

Semicapri quicunq; subis sacraria Fauni,  
 Hæc lege Romanâ verba notata manu.  
 Herfilius hîc jacco, mecum Marulla quiescit,  
 Quæ soror, & genitrix, & mihi sponsa fuit.  
 Vera negas, frontemq; trahens ænigmata clamas :  
 Sunt Pythio ( infandum ! ) vera magis tripode.  
 Me pater ex natâ genuit : mihi jungitur illa :  
 Sic soror, & conjux, sic fuit illa parens.  
*Tu veritusq; Deos, genus humanumq; viator,*  
*Nequa soror sic sit nupta parensve, roga.*

L I.

Esse tibi videor demens, quòd carmina nolim  
 Scribere Patricio digna supercilio.  
 Quòd Telamoniadem non æquo iudice victum  
 Præteream, & pugnas, Pentefilea, tuas.  
 Quod non aut magni scribam primordia mundi,  
 Aut Pelopis currus, aut Diomedis equos.  
 Aut ut Aechilleis infelix Troja lacertis

Qual-



Quassata, Hectoreo vulnere conciderit.

Vos mare tentetis: vos detis lintea ventis:

Me vehat in tutos parva carina lacus.

## LII.

**DEORUM Peculiaria. AD PRIAPUM.**

Dodona est tibi Jupiter sacrata;

Iunoni Samos, & Mycena Diti;

Undæ Tænaros æquorisq; regi.

Pallas Cecropias tuetur arces;

Delphos Pythius orbis umbilicum;

Creten Delia, Cynthiosq; colles;

Faunus Mænalon, Arcadumq; sylvas.

Est tutela Rhodos beata solis;

Gades Herculis, humidumq; Tibur.

Cyllene celeri Deo nivosa;

Tardo gratior æstuosa Lemnos.

Ætneæ Cererem nurus frequentant;

Raptam Cyzicos ostreosa Divam;

Formosam Venerem Gnidos Paphosque.

Mortales tibi Lampfacum dicant.

## LIII.

*Duodecim Herculis labores.*

Prima Cleonæi tolerata ærumna leonis.

Proxima Lernæam ferro & face contudit Hydram.

Mox Erymanthæum vis tertia perculit aprum.

Eripedis quarto tulit aurea cornua cervi.

Stymphalidas pepulit volucres discorimine quinto.

Threiciam sexto spoliavit Amazona balteo.

Septima in Augiæ stabulis impensa laboris.

Octava expulso numeratur adorea tauro.

In Diomedæis victoria nona quadrigis.

Geryone extincto decimam dat Iberia palmam;

D

Unde-

Undecimum mala Hesperidum distracta triumphum  
Cerberus extremi suprema est meta laboris.

*Fatendum est plures fuisse Hercules; omnium labore  
uni Jovis ex Alcmenâ filio ascriptos: hos autem  
eosdem semper statuunt poëtae, nec eorundem  
servant ordinem. Virgilio tribuitur hoc epigramma  
uti & aliud ejusdem argumenti, quod prætermisimus.  
Verum, ut ejus sint, certè de ordine nec ipse  
constat.*

## LIV.

*Cornelii Galli de Æneide.*

Temporibus lætis tristamur, maxime Cæsar  
Hoc uno amisso, quem gemo, Virgilio.  
Sed vetuit relegi, si tu patiêre, libellos,  
In quibus Æneam condidit ore sacro.  
Roma rogat, precibusque etiam tibi supplicat orbe  
Ne pereant flammis tot monumenta ducum,  
Ergo iterum Trojan, sed major flamma cremabit.  
Fac laudes Italum, fac tua gesta legi;  
Æneamque suam fac major nuncius ornet:  
Plus fatis possunt Cæsar's ora Dei.

## LV.

*Sulpitij de eodem*

Jusserat hæc rapidis aboleri carmina flammis  
Virgilius, Phrygium quæ cecinêre ducem.  
Tucca vetat, Varsque simul: tu, maxime Cæsar  
Non finis, atque tue consulis Historiæ.  
Infelix gemino cecidit propè Pergamon igni:  
Et pæne est alio Troja cremata rogo.

## EX AVUSONIO.

I.

*Hortatio ad modestiam.*

Fama est fictilibus cænâsse Agathoclea regem,  
 Atq; abacum Samio sæpe onerâsse luto.  
 Fercula gemmatis cum poneret horrida vasis,  
 Fit misceret opes pauperiemque simul:  
 Quærenti causam, respondit: Rex ego qui sum,  
 Sicanzæ figulo sum genitore satus.  
 Fortunam reverenter habe: quicumq; repente  
 Dives ab exili progrediêre loco.

II.

*In adulteram veneficam.*

Toxica Zelotypo dedit uxor mœcha marito:  
 Nec satis ad mortem credidit esse datum:  
 Miscuit argenti lethalia pondera vivi,  
 Cogeret ut celerem vis geminata necem.  
 Dividat hæc siquis, faciunt discreta venenum:  
 Antidotum sumet, qui sociata bibet.  
 Ergo inter sese dum noxia pocula certant,  
 Cessit lethalis noxa salutiferæ.  
 Protinus & vacuos alvi petiere recessus,  
 Lubrica dejectis quâ via nota cibus.  
 Quam pia cura Deûm! prodest crudelior uxor,  
 Est quum fata volunt, bina venena juvant.

III.

*Echo ad Piçtorem.*

Vane quid affectas faciem mihi ponere piçtor,  
 Ignotamque oculis sollicitare Deam?  
 Aëris & linguæ sum filia; mater inanis  
 Indicij: vocem quæ sine mente gero.

Extremos, pereunte modos à fine reducens,  
 Ludificata sequor verba aliena meis.  
 Auribus in vestris habito penetrabilis Echo :  
 Est si vis similem pingere, pinge sonum.

## IV.

*In simulacrum Occasionis & Pœnitentiæ.*

Cujus opus ? Phidiæ, qui signum Palladis, ejus  
 Quiq; Jovem fecit, tertia palma ego sum.  
 Sum Dea quæ rara, & paucis *Occasio* nota.  
 Quid rotulæ insistis ? Stare loco nequeo.  
 Quid talaria habes ? Volucris sum, Mercurius quæ  
 Fortunare solet, tardo ego, quum volui.  
 Crine tegis faciem. Cognosci nolo. Sed heus tu  
 Occipiti calvo es. ne tenear fugiens.  
 Quæ tibi juncta comes ? Dicat tibi. Dic, rogo, quæ sis ?  
 Sum Dea cui nomen nec Cicero ipse dedit.  
 Sum Dea quæ facti, non factiq; exigo pœnas,  
 Nempè ut peniteat, sic metanœa vocor.  
 Tu modò dic quid agat tecum ? Si quando volavi  
 Hæc manet, hanc retinent quos ego preterij.  
 Tu quoq; dum rogitas, dum percontando moraris,  
 Elapsam dices me tibi de manibus.

## V.

*De Thrasybulo Lacedæmonio.*

Excipis adverso quod pectore vnlnera septem :  
 Arma supervheris quod Thrasybule tua ;  
 Non dolor hic patris, Pitanae sed gloria major:  
 Rarum tam pulchro funere posse frui.  
 Quem postquam mæsto socij posuère feretro ,  
 Talia magnanimus edidit orsa pater.  
 Flete alios, natus lachrymis non indiget ullis,  
 Et meus, & talis, & Lacedæmonius.

## V I.

*Denomine cujusdam sculpto in marmore sed mutilato.  
Pronomen notet hæc , seu mutila litera nomen ?*

*Diffiluit saxi fragmine læsus apex.*

*Nec quisquam Marcus seu Marius , anne Metellus  
Hic jaceat , certis noverit indicijs .*

*Truncatis convulsa jacent elementa figuris:*

*Omnia confusis interiêre notis.*

*Miremur perijsse homines ; monumenta fatiscunt.*

*Mors etiam saxi nominibusq; venit.*

## V I I.

*De Achilla, qui dissecuit calvariam.*

*Abjecti intrivijs inhumati glabra jacebat*

*Testa hominis , nudum jam cute calvitium.*

*Fleverunt alji ; fletu non motus Achilles*

*Insuper & filicis verbere dissecuit.*

*Eminus ergo icto redijt lapis ultor ab osse,*

*Actorisq; sui frontem oculosq; petit.*

*Sic utinam certos manus impia dirigat ictus ,*

*Actorem ut feriant tela retorta suum.*

## V I I I.

*In Eunomum Menium.*

*Languentem Caium moriturum dixerat ægrum*

*Eunomus , evasit fati ope , non medici.*

*Paulò pòst ipsum videt , aut vidisse putavit*

*Pallentem & multâ mortis in effigie.*

*Quis tu ? Caius ait Vivisne ? hic abijt. Et quid*

*Nunc agis hic ? missu Ditis ait venio.*

*Ut quia notitiam rerûmq; hominûmq; tenerem,*

*Accirem medicos. Eunomus obrigit.*

*Tum Caius , Metuas nihil Eunome , dico ego &*

*Nullum qui saperet , dicere te medicum. ( omnes )*

*In*



## IX.

*In quendam omnium animalium voces fingentem*  
 Latratus catulorum, hinnitus fingis equorum,  
 Caprigenumq; pecus, lanigerosq; greges  
 Balatu adsimulas, asinos quoque rudere dicas,  
 Quum vis Arcadicum fingere, Marce pecus.  
 Gallorum cantus, & ovantes gutture corvos,  
 Et quicquid vocum bellua talis habet.  
 Omnia cum simulas ita verè, ut ficta negentur,  
 Non potes humanæ vocis habere sonum.

## X.

*In Didonis imaginem*

Illam ego sum Dido vultu, quam conspicis, hospes  
 Assimilata modis, pulchraq; mirificis.  
 Talis eram; sed non Maro quam mihi finxit, eras  
 Vita nec incestis læta cupidinibus. (mens)  
 Namq; nec Æneas vidit me Troius unquam,  
 Nec Lybiam advenit classibus Iliacis.  
 Sed furias fugiens atq; arma procacis Iarbæ,  
 Servavi, fateor, morte pudicitiam,  
 Pectore transfixo castos quod pertulit enses,  
 Non furor, aut læso crudus amore dolor.  
 Sic cecidisse juvat, vixi sine vulnere famæ:  
 Vita virum: positis mænibus, oppetij.  
 Invida cur in me stimulaſti Musa, Maronem,  
 Fingeret ut nostræ damna pudicitiae?  
 Vos magis historicis lectores credite de me,  
 Quam qui furta Deum concubitusq; canunt:  
 Falsidici vates! temerant qui carmine verum:  
 Humanisq; Deos assimilant vitijs.



## XI.

*In Faustulum nanum.*

Faustulus invecus formicæ, ut magno elephanto,  
 Decidit & terræ terga supina dedit.  
 Moxq; idem ad mortem est mulctatus calcibus ejus,  
 Perditus ut posset vix retinere, animam.  
 Vix tamen est fatus. Quid rides, improbe Livor,  
 Quòd cecidi? cecidit non aliter Phaëthon.

## XII.

*Theodosio Augusto.*

Agricolam si flava Ceres dare semina terræ,  
 Gradivus jubeat si capere arma ducem,  
 Solvere de portu classem Neptunus inermem,  
 Fidere tam fas est, quam dubitare nefas.  
 Infanum quamvis hyemet mare, crudaq; tellus  
 Seminibus, bello nec satis apta manus:  
 Nil dubitas, autore bono. Mortalia quærent  
 Consilium, certus jussa capesse Dei  
 Scribere me Augustus jubet; & mea carmina poscit  
 Pæne rogans: blando vis latet imperio.  
 Non habeo ingenium: Cæsar sed jussit; habebo.  
 Cur me posse negem, posse quod ille putat?  
 Invalidas vires ipse excitat, & juvat idem  
 Qui jubet, obsequium sufficit esse meum.  
 Non tutum renuisse Deo. Laudata pudoris  
 Sæpe mora est, quoties quid petière pares.  
 Quinetiam non jussa parant erumpere dudum  
 Carmina. Quis nolet Cæsaris esse liber?  
 Nè ferat indignum vatem, centumq; lituras  
 Mutandas semper deteriore notâ.  
 Tu modò te jussisse, Pater Romane memento:  
 Inque meis culpis da tibi Tu veniam.

## XIII.

## XIII.

*Latino Pacato Drepanio filio.*

Cui dono lepidum novum libellum?  
 Veronensis ait poeta quondam:  
 Inventoq; dedit statim Nepoti.  
 At nōs illepidum rudem libellum,  
 Burras, quisquillas ineptiasq;  
 Credemus gremio cui fovendum?  
 Inveni, trepidè silete nactæ,  
 Nec doctum minùs aut minùs benignum,  
 Quàm quem Gallia præbuit Catullo.  
 Hoc nullus mihi charior meorum,  
 Quem pluris faciunt novem sorores.  
 Quàm cunctos alios Marone dempto,  
*Pacatum* haud dubiè, Poeta, dicis:  
 Ipse est, intrepidè volate versus,  
 Et nidum in gremio fovete tuto.  
 Hic vos diligere, hic volet tueri:  
 Ignoscenda teget, probata tradet.  
 Post hunc iudiciū timete nullum.

## EX CATULLO.

## I.

*Cornelio.*

Quoi dono lepidum novum libellum,  
 Arida modò pumice expolitum?  
 • Corneli, tibi. Namq; tu solebas  
 Meas esse aliud putare nngas  
 Jam tum, quum ausus es unus Italorum  
 Omne ævum tribus explicare chartis  
 Doctis, Jupiter! & laboriosis.

Quare habe Tibi quicquid hoc libelli est  
 Qualecunq; , quod ô patrima Virgo,  
 Plus uno maneat perenne sæclo.

## II.

*Ad Passerem filiola.*

Passer delitiæ meæ puellæ ;  
 Quicum ludere , quem in sinu tenere.  
 Quoi primum digitum dare adpetenti.  
 Et acreis solet incitare morsus.  
 Tecum ludere, sicut ipsa, possem.  
 Et tristes animi levare curas.

## III.

*De passere mortuo.*

Lugete O veneres Cupidinesq;  
 Et quantum est hominum venustiorum:  
 Passer mortuus est meæ puellæ,  
 Passer delitiæ meæ puellæ,  
 Quem plus illa oculis suis amabat.  
 Nam mellitus erat, suamq; nôrat  
 Ipsam tam benè, quam puella matrem:  
 Nec sese a gremio illius movebat:  
 Sed circumfiliens modò huc modò illuc,  
 Ad solam dominam usq; pipilabat.  
 Qui nunc it per iter tenebricosum  
 Illuc unde negant redire quenquam.  
 At vobis malè sit malæ tenebræ  
 Orci, quæ omnia bella devoratis:  
 Tam bellum mihi passerem abstulistis.  
 O factum male, ô miselle passer.  
 Tuâ nunc operâ meæ puellæ  
 Flendo turgiduli rubent ocelli.

## IIII.

*Ad Uxorem*

Vivamus mea, Lesbia, atq; amemus,  
 Rumoresque senum severiorum  
 Omnes unius æstimemus assis.  
 Soles occidere & redire possunt,  
 Nobis, quum semel occidit brevis lux,  
 Nox est perpetua una dormienda.  
 Da mi basia mille, deinde centum,  
 Dein mille altera, dein secunda centum,  
 Dein usque altera mille, deinde centum..  
 Dein quum millia multa fecerimus,  
 Conturbabimus illa, nè sciamus,  
 Aut nè quis malus invidere possit,  
 Quum tantum sciat esse basiorum.

## V,

*Ad se viduum.*

Miser Catulle desinas ineptire,  
 Et quod vides periisse perditum ducas.  
 Fulsere quondam candidi tibi soles  
 Quum ventitabas quo *Catulla* ducebat  
 Amata nobis, quantum amabitur nulla.  
 Fulsere verè candidi tibi soles.  
 Nunc jam illa tota frigida, obrigens mæstos  
 Expectat (infandum!) rogos, deinde urnam.  
 Nec quæ fugit sectare, nec miser vive.  
 Sed obstinatà mente perfer, obdura.  
 Vale *Catulla* jam Catullus obdurat.  
 Miser Catulle destinatus obdura.

## VI.

*Ad Verannium*

Veranni omnibus meis amicis

Antistans mihi millibus trecentis :  
 Venistine domum ad tuos penates,  
 Fratresq; unanimos, tuamq; matrem  
 Venisti? ô mihi nuncij beati  
 Visam te incolumem, audiamque Hiberum  
 Narrantem loca, facta, nationes  
 Ut mos est tuus : applicansq; collum,  
 Jucundum os, oculosq; suaviabor.  
 O quantum est hominum beatorum,  
 Quid me lætius est beatiusve?

## V II.

*Ad Fabullum*

Cenabis benè mi Fabulle apud me  
 Paucis, si tibi Dij favent, diebus :  
 Si tecum attuleris bonam atq; magnam  
 Cenam, non sine florido libello,  
 Et vino, & sale, & omnibus cachinnis.  
 Hæc si, inquam, attuleris, venissis noster,  
 Cenabis benè. nam tui Catullini  
 Plenus sacculus est aranearum.

Sed contra accipies meros lepores,  
 Seu quid suavius, elegantiusve est,  
 Nam unguentum dabo, quod meo Catulle  
 Donârunt Veneres Cupidinesq;  
 Quod tu quum olfacies, Deos rogabis,  
 Totum ut te faciant, Fabulle, nescis.

## V III.

*Ad Calpurnium Licinium Oratorem*

Ni te plus oculis meis amarem,  
 Jucundissime Calve, munere isto  
 Odissem te odio Vatiniæno.  
 Nam quid feci ego quidvè sum locutus,



Cur me tot malè perdes poetis?  
 Isti dij mala multa dent clienti,  
 Qui tantum tibi misit impiorum.  
 Quod si, ut suspicor, hoc novum ac repperitum  
 Munus dat tibi Sulla literator :  
 Non est mi malè, sed benè ac beatè  
 Quod non dispareunt tui labores.  
 Dij magni horribilem & sacrum libellum,  
 Quem tu scilicet ad tuum Catullum  
 Misti, continuo ut die periret  
 Saturnalibus optimo dierum.  
 Non, non hoc tibi Salsè, sic abibit.  
 Nam si luxerit, ad librariorum  
 Curram scrinia. Cæsios Aquinos,  
 Suffenum, omnia colligam venena,  
 Ac re his supplicijs remunerabor.  
 Vos hinc interea valetè, abite  
 Illuc unde malum pedem tulistis,  
 Sæcli incommoda, pessimi poetæ.

IX

*Ad Varro.*

Suffenus iste, Varre, quem probè nōstis  
 Homo est venustus, & dicax & urbanus,  
 Idemq; longè plurimos facit versus.  
 Puto esse ego illi millia aut decem, aut plura  
 Perscripta: nec sic, ut sit in palimpsesto  
 Relata. chartæ regię, novi libri,  
 Novi umbilici, lora rubra, membrana  
 Directa plumbo, & pumice omnia equata  
 Hæc quum legas, tum bellus ille & urbanus  
 Suffenus, unus caprimulgus, aut fossor  
 Rursus videtur: tantum abhorret, ac mutat.

Hoc



Hoc quid, putemus esse? qui modò scurra,  
 Aut si quid hâc re tritius videbatur,  
 Idem inficeto est inficetior rure,  
 Simul poëmata attigit. Neque idem unquam  
 Equè est beatus ac poëma quam scribit.  
 Tam gaudet in se, tamq; se ipse miratur.  
 Nimirum idem omnes fallimur, neq; est quisquam,  
 Quem non in aliquâ re videre Suffenam  
 Possis. Suus cuiq; attributus est error,  
 Sed non videmus manticæ quod in tergo est.

## X.

*In Annales Volusii.*

Annales Volusî cacata charta,  
 Votum solvite pro meâ puellâ.  
 Nam sanctæ Veneri Cupidiniq;  
 Vovit, si sibi restitutus essem,  
 Desissimq; truces vibrare Iambos;  
 Electissima pessimi poëtæ  
 Scripta, tardipedi Deo daturam  
 Infelicibus ustulanda flammis.  
 Et hæc pessima se puella vidit  
 Loco se lepidè vovere Divis.  
 Nunc ô Cæruleo creata ponto,  
 Quæ sanctum Idalium, Uriosq; apertos,  
 Quæq; Ancona, Cnidumq; arundinosam  
 Colis, quæq; Amathunta, quæq; Golgos,  
 Quæq; Durachium Adriæ tabernam,  
 Acceptum face, redditumq; votum,  
 Si non illepidum, neq; invenustum est.  
 At vos intercâ venite in ignem  
 Pleni ruris, & inficetiarum,  
 Annales Volusi, cacata charta.

## X I.

*Ad Cornificium.*

Malè est, Cornifici, tuo Catullo,  
 Malè est meherculè, & laboriosè :  
 Magisq; & magis in dies, & horas  
 Irascor tibi, sic meos amores.

Quem tu, quod minimum facillimumq; est,  
 Quâ solatus es adlocutione ?  
 Paulum quidlibet adlocutionis,  
 Moestius lachrymis Simonideis.

## X I I.

*In Egnatium.*

Egnatius, quod candidos habet dentes,  
 Renidet usq; quaquam : seu ad rei ventum est  
 Subsellium, quum Orator excitat fletum,  
 Renidet ille : seu pii ad rogum filii  
 Lugetur, orba quum flet unicum mater,  
 Renidet ille : quicquid est, ubicunq; est,  
 Quodcunq; agit, renidet : hunc habet morbum,  
 Neq; elegantem, ut arbitror, neq; urbanum.  
 Quare monendus es mihi, bone Egnati,  
 Si urbanus esses, aut Sabînus, aut Tiburs,  
 Aut porcus Umber, aut obesus Hetruscus,  
 Aut Lanuvinus ater, atq; dentatus,  
 Aut Transpadanus, ut meos quoq; attingam,  
 Aut quilibet qui puriter lavit dentes :  
 Tamen renidere usquequaq; te nollem.  
 Nam risu inepto res ineptior nulla est.  
 Nunc Celtiber in Celtiberâ terrâ,  
 Quod quisq; minxit, hoc solet sibi manè  
 Dentem, atq; russam defricare gingivam.  
 Ut quo iste vester expoliior dens est,

Hoc te amplius bibisse prædicet lotij.

XIII.

*Ad Ravidum.*

Quænam te mala mens, miselle Ravide,

agit præcipitem in meos Iambos?

Quis Deus tibi non benè advocatus,

recordem parat excitare rixam?

Annè ut pervenias in ora volgi?

Quid vis? quâ lubet esse notus optas?

Tris: quandoquidem meos amores

cum longâ voluisti amare poenâ.

XIV.

*In quandam.*

Adeste Hendecasyllabi, quot eitis

Omnes undiq; quotquot estis, omnes.

Locum me putat esse mœcha turpis,

Et negat mihi nostra reddituram

Augillaria: si pati potestis

Persequamur eam, & reflagitemus.

Quæ sit, quæritis? illa, quam videtis

Turpe incedere, mimicè, ac molestè,

Identem catuli ore Gallicani.

Circumsistite eam, & reflagitate:

Mœcha putida redde codicillos,

Redde putida mœcha codicillos.

Non allis facis? ô lutum, lupanar,

Aut si perditius potest quid esse.

Sed non est tamen hoc satis putandum.

Quod si non aliud potest, ruborem

Perreo canis exprimamus ore,

Conclamate iterum altiore voce:

Mœcha putida redde codicillos,

Redde

Redde putida mœcha codicillos.  
 Sed nil proficimus, nihil movetur.  
 Mutanda est ratio, modusq; nobis,  
 Si quid proficere ampliùs potestis.  
 Pudica & proba redde codicillos.

## X V.

*In amicam Formiant.*

Salve nec nimio puella naso,  
 Nec bello pede, nec nigris oculis,  
 Nec longis digitis, nec ore sicco,  
 Nec sanè nimis elegante lingua,  
 Decoctoris amica Formiani.  
 Ten' provincia narrat esse bellam ?  
 Tecum Lesbia nostra comparatur ?  
 O sæclum insipiens, & inficetum !

## X V I.

*Ad M. T. Ciceronem.*

Disertissime Romuli nepotum,  
 Quot sunt, quotq; fuere, Marce Tulli,  
 Quotq; pòst aliis erunt in annis:  
 Gratias tibi maximas Catullus  
 Agit, pessimus omnium poëta:  
 Tantò pessimus omnium poëta,  
 Quantò tu optimus omnium patronus.

*Ex CLAUDIANO.*

## I.

*Ad Gennadium Proconsulem.*

Italiæ commune decus, Rubiconis amœni  
 Incola, Romani fama secunda fori ;  
 Graiorum populis & nostro cognite Nilo,

Utraq; gens fasces horret, amatq; tuos.  
 armina jejunas poscis solantia fauces?  
 Testor amicitiam, nulla fuisse domi.  
 am mihi mox nidum pennis confisa relinquunt,  
 Et Lare contempto non reditura volant.

## I I.

*De Mulabus Gallicis.*

Spice morigeras Rhodani torrentis alumnas,  
 Imperio nexas, imperioq; vagas:  
 fissa quàm varios flectant ad murmura cursus,  
 Et certas adeant voce regente vias.  
 namvis quæq; sibi nullis discurrat habenis,  
 Et pateant duro libera colla iugo;  
 eu constricta tamen servit, patiensq; laborum  
 Barbaricos docili concipit arte sonos.  
 bsentis longinqua valent præcepta magistri,  
 Frænorumq; vices lingua virilis agit.  
 æ procul angustat sparsas, spargitq; coactas,  
 Hæc sistit rapidas, hæc properare facit.  
 æva jubet? lævo deducunt limite gressum:  
 Mutavit strepitum? dexteriora petunt.  
 nec vinclis famulæ, nec libertate ferores,  
 Exutæ laqueis, sub ditione tamen;  
 onsensûq; pares, & fulvis pellibus hirtæ  
 Effeda concordēs multisonora trahunt.  
 miraris, si voce feras pacaverit Orpheus,  
 Cùm pronas pecudes Gallica verba regant.

## I I I.

*De Chrystallo.*

olibus indomitum glacies Alpina rigorem  
 Sumebat, nimio jam pretiosa gela.



Nec potuit totam mentiri corpore gemmam,  
 Sed medio mansit proditor orbe latex.  
 Auctus honor; liquidi crescunt miracula saxi,  
 Et conservatæ plus meruistis aquæ.

I V.

*In Sphæram Archimedis.*

Inpiter in parvo cùm cerneret æthera vitro,  
 Risit, & ad superos talia dicta dedit:  
 Huccine mortalis progressa potentia curæ?  
 Jam meus in fragili luditur orbe labor.  
 Jura poli, rerumq; fidem, legesq; Deorum  
 Ecce Syracusius transtulit arte senex.  
 Inclusus variis famulatur spiritus astris,  
 Et vivum certis motibus urget opus.  
 Percurrit proprium mentitus Signifer annum,  
 Et simulatâ novo Cynthia mense redit.  
 Jamq; suum volvens audax industria mundum  
 Gaudet, & humanâ sydera mente regit.  
 Quid falso infontem tonitru Salmopœa miror?  
 Æmula Naturæ parvâ repertâ manus.

V.

*De senè Veronensi.*

Fœlix, qui propriis vitam transegit in arvis,  
 Una domus puerum quem videt, una senem:  
 Qui baculo nitens in quâ reptavit arena,  
 Natalis numerat sæcula longa casæ.  
 Illum non vario traxit Fortuna tumultu,  
 Nec bibit ignotas mobilis hospes aquas.  
 Non freta mercator tumult, non classica miles;  
 Mon rauçi lites pertulit ille fori.  
 Indocilis rerum, vicinæ nescius urbis,  
 Aspectu fruitur liberiore poli.

Frugibus alternis, non Consule, computat annum;  
Autumnū pomis, Ver, sibi flore notat.

Idem condit ager Soles, idemq; reducit,  
Metiturq; suo rústicus orbe diem.

Ingentem meminit parvo qui germine quercum,  
Equævumq; videt consensuisse nemus.

Proxima cui nigris Verona remotior Indis,  
Benacumq; putat littora rubra lacum.

Sed tamen indomitæ vires, firmisq; lacertis  
Etas robustum tertia cernit avum.

Erret, & extremos alter scrutetur Iberos.

Plus habet hic vitæ, plus habet ille viæ.

# V I.

*Servatoris Christi miracula aliquot.*

Angelus alloquitur Mariam, quo præscia verbo  
Concipiat, salvâ virginitate, Deum.

Dant Tibi Chaldæi prænuntia munera Reges,  
Myrrham homo, rex aurum, fuscipe thura Deus.

Permutat lymphas in vina liquentia Christus;

Quo primum facto se probat esse Deum.

Quinq; explent panes, pisces duo, millia quinque;

Et Deus ex parvo plus superesse jubet.

Editus ex utero cæcus nova lumina sensit:

Et stupet ignotum se meruisse diem.

azarus è tumulo, Christo inclamante, resurgit;

Et duræ mortis lex resoluta perit.

Nutantem quatit unda Petrum: cui Christus in alto

Et dextrâ gressus firmat, & ore fidem.

Sanguis Christi contingit foemina vestem:

Stat cruor in venis: fit medicina fides.

Assus post multos graditur Paralyticus annos,

Mirandum! lecti portitor ipse sui.

## E S T A T I I Sylvarum libr. 2.

I.

*Psittacus melioris.*

Psittace dux volucrum, domini facunda voluptas,  
 Humanæ solers imitator Psittace linguæ:  
 Quis tua tam subito præclulit murmura fato?  
 Hesternas miserande dapes moriturus inisti  
 Nobiscum; & gratæ carpentem munera mensæ  
 Vidimus; affatus etiam, meditatq; verba  
 Reddideras: At nunc æterna silentia Lethes  
 Ille canorus habes. Cedat Phaëtonia vulgi  
 Fabula, nec soli celebrent sua funera Cygni.  
 At tibi, quanta domus rutilâ testudine fulgens?  
 Connexûsq; ebori virgarum argenteus ordo?  
 Argutûmq; tuo stridentia limina cornu?  
 Et querulæ jam sponte fores? Vacat ille beatus  
 Carcer, & angusti nusquam convivia tecti,  
 Huc doctæ suspentur aves, quæis nobile fandi  
 Jus natura dedit. Plangat Phœbeius ales,  
 Auditâsq; memor penitus dimittere voces  
 Sturnus, & Aonio versæ certamine Picæ;  
 Quîq; refert iungens iterata vocabula perdix;  
 Et quæ Bistonio queritur soror orba cubili,  
 Ferte simul gemitus, cognataq; ducite flammis  
 Funera, & hoc cunctæ miserandum addiscite carmen  
 Occidit aëriæ celeberrima gloria gentis  
 Psittacus ille plagæ viridis regnator Eoæ:  
 Quem non gemmatâ volucris Junonia caudâ  
 Vinceret aspectu, gelidi nec Phasidis ales,  
 Nec quas humenti Numidæ rapuere sub Astro:  
 Ille salutator Regum, nomenq; locutus

Cæsareum, & queruli quondam vice functus amici,  
 Nunc conviva levis, monstrataq; reddere verba  
 Tam facilis: quop tu, Mellon dilecte, recuso  
 Nunquam solus eras. At non inglorius umbris  
 Mittitur: Assyrio cineres adolentur amomo,  
 Et tenues Arabum respirant gramine pluma,  
 Icaniisq; crocis: senio neq; fessus inertis  
 Candet odoratos Phoenix felicitior ignes.

## III

*Leo. Mansuetus Imp.*

Quid tibi contratâ mansuescere profuit ira?  
 Quid scelus, humanasq; animo dediscere cedes,  
 Imperiûmq; pati, & domino parere minori  
 Quid quod abire domo, rursusq; in claustra reverti  
 Uetus, & à captâ jam sponte recedere prædâ,  
 Insertasq; manus laxo dimittere morsu.  
 Occidis altarium vastator docte ferarum,  
 Non grege Massyllo, curvâq; indagine clausus,  
 Non formidato supra venabula saltu  
 Insitus, aut coeco foveæ deceptus hiatu,  
 Sed victus fugiente ferâ. Stat cardine aperto  
 Infelix cavea, & clausas circum undiq; portas  
 Hoc licuisse nefas pavidis timere leones.  
 Tunc cunctis cecidere iuba, puduitq; relatum  
 Aspicere, & totas duxere in lumina frontes.  
 At te non primo fuscum novus obruit ictu  
 Ille pudor; mansere animi, virtusq; cadenti  
 Mediâ jam morte redit. Nec protinus omnes  
 Erga dedere minæ: sicut sibi conscius alti  
 Vulneris, adversum moriens it miles in hostem,  
 Attollitq; manum, & ferro labente minatur;  
 Sic piger ille gradu, solitôq; exutus honore

Fir-

Firmat hians oculos, animamq; hostemq; requirit.  
 Magna tamen subiti tepum solatia lethi  
 Victæ feres; quod te moesti Populûsq; Patresq;  
 Ceu notus caderes tristi gladiator arenâ,  
 Ingemuere mori: magni quod Cæsaris ora  
 Inter tot Scythicas, Libycasq; & littore Rheni,  
 Et Pharia de gente feras; quas perdere vile est,  
 Unius amissi tetigit iactura Leonis.

## III.

*Consultatus Germanici Imp: El. libr, 40.*

Læta bis octonis, accedit purpura fastis  
 Cæsaris, insignemq; aperit Germanicus annum.  
 Atq; oritur cum sole novo, cum grandibus astris,  
 Clariùs ipse nitens, & primo major Eoo.  
 Exultent leges Latæ; gaudete curules;  
 Et septemgemino iactantior æthera pulset  
 Roma iugo: plûsq; ante alias Evandrius arces  
 Collis ovet. Subiære novi Palatia fâsces,  
 Et requiem bis sextus honos, precibusq; receptis  
 Curia Cæsareum gaudet vicisse pudorem.  
 Ipse etiam immensi reparator maximus ævi  
 Attollit vultus, & utroq; a limine grates  
 Janus agit: quem tu vicinâ pace ligatum  
 Omnia iussisti componere bella, noviq;  
 In leges jurare fori. Levat ecce supinas  
 Hinc atq; inde manus, geminâq; hæc voce profatur

Salve magnæ parens mundi, qui seculam tecum  
 Instaurare paras: talem te cernere semper  
 Mense meo tua Roma cupit: sic tempora nasci  
 Sic annos intrare decet. Da gaudia fastis  
 Continua: hos humeros multo sinus ambiat ostro,  
 Et properata tuæ manibus prætexta Minervæ



aspicis ut templis alius nitor, altior aris  
 ignis, & ipsa meæ tepeant tibi sidera brumæ,  
 moribus atq; tuis gaudent turmæque, tribusque,  
 purpureisq; patres, lucemq; à Consule ducit  
 omnis honos. Quid tale precor prior annus habebat,  
 Dic age, Roma potens? Et mecum longa vetustas  
 Dinumera fastos, nec parva exempla recense,  
 sed quæ sola meus dignetur vincere Cæsar.  
 Per Latio, deciesq; tulit labentibus annis  
 Augustus fasces, sed coepit serò mereri.  
 Tu juvenis prægressus avos; & quanta recusas,  
 Quanta vetas? Flectere tamen, precibusq; Senatûs  
 permittes hunc sæpe diem. Manet insuper ordo  
 longior, & totidem foelix tibi Roma curules  
 terq; quaterq; dabit: Mecum altera sæcula condes,  
 Et tibi longævi revocabitur \* ara Tarenti.  
 Mille trophæa feres, tantum permittite triumphos.  
 Restat Bactra novis, restat Babylona tributis  
 Frænari. Nondum gremio Jovis Indica laurus,  
 Nondum Arabes Seresq; rogant: Nondum omnis hono-  
 Annus habet, cupiuntq; decem tua nomina menses. (rem  
 Sic Janus: clausoq; libens se poste recepit.  
 Tunc omnes patuere fores, lætoq; dederunt  
 Signa polo, longumq; tibi Rex, magne juventam  
 Annuit, atq; suos promisit Jupiter annos.

\* Ara Tarenti, id est, Ludi Tarentini, viz. Seculares.  
 Alii legunt Parentis.

#### IV.

*Ad Somnum è libr. 5.*

Crimine quo merui, juvenis placidissime Divum,  
 Quove errore miser, donis ut solus egerem  
 Somne tuis? Tacet omne pecus, volucresque, ferasque,  
 Et

Et simulant fessos curvata cacumina somnos;  
 Nec trucibus fluviiis idem sonus. Occidit horror;  
 Unde ego sufficiam? Non si mihi lumina mille,  
 Quæ sacer alternâ tantùm statione tenebat  
 Argus, & haud unquam vigilabat corpore toto.  
 At nunc heus aliquis longâ sub nocte libellis  
 Obnixè incumbens, ultro te Somne repellit.  
 Inde veni, nec te totas infundere pennis  
 Luminibus compello meis; hoc turba precatur  
 Lætior: extremo me tange cacumine virgæ,  
 Sufficit; aut leviter suspenso poplite transi.

## V.

*Risus Saturnalitiis.*

Est sanè jocus iste, quòd libellum  
 Misisti mihi Grippe, pro libello.  
 Urbanum tamen hoc potest videri,  
 Si post hoc aliquid mihi remittas.  
 Nam si ludere, Grippe, perseveras,  
 Non ludis: licet ecce computemus.  
 Noster purpureus, novûsq; chartâ,  
 Et binis decoratus umbilicis.  
 Præter me, mihi constitit decussis.  
 Tu rosum tineis sitûq; putrem,  
 (Quales aut Libycis madent olivis  
 Aut thus Niliacum pipérve servant)  
 Nec saltem tua dicta continentem,  
 Quæ trino juvenis foro tonabas;  
 Sed Bruti senis oscitationes,  
 De capsâ miseri libellionis,  
 Emptum plus minus asse Caiano,  
 Donas. Usq; adeóne defuerunt  
 Cæsis pilea suta de lacernis?

el mantilia, laridæve mappa?  
 ed certâ velut æquus in flaterâ,  
 Nil mutas, sed idem mihi rependis.  
 Quid si cum bene mane semicrudus  
 latam tibi dixerô salutem,  
 et tu me vicibus domi salutes?  
 ut cum me dape iuveris opimâ,  
 expectes similes & ipse cœnas?  
 rascor tibi Grippe, sed valebis.  
 tantum ne mihi quo soles lepore,  
 et nunc Hendecasyllabos remittas.

# E. TIBULLO.

## Eleg. XI Lib. I.

Quis fuit horrendos primus qui protulit enses?  
 Quàm ferus & verè & ferreus ille fuit?  
 Tunc cædes hominum generi, tunc prælia nata,  
 Tunc brevior diræ mortis aperta via est.  
 At nihil ille miser meruit: nos ad mala nostra  
 Vertimus, in sævas quod dedit ille feras.  
 Divitis hoc vitium est auri: nec bella fuerunt,  
 Faginus astabat cùm scyphus ante dapes.  
 Non acres, non vallus erat, somnumq, petebat  
 Securus varias dux gregis inter oves.  
 Tunc mihi vita foret, vulgi nec tristia nossem  
 Arma, nec audissem corde micante tubam.  
 Nunc ad bella trahor, & jam quis forsitan hostis  
 Hæsurâ in nostro tela gerit latere.  
 Sed patrij servate Lares: aluistis & iidem,  
 Cursarem vestros cùm tener ante pedes.

Neu pudeat prisco vos esse e stipite factos,

Sic veteres ædes incoluistis avi.

Tunc melius tenuere fidem, quum paupere cultu

Stabat in exigua ligneus æde Deus.

Hic placatus erat, seu quis fibaverat uvam,

Seu dederat sanctæ spicea ferta comæ.

Atq; aliquis voti compos liba ipsa ferebat

Postq; comes purum filia parva favum.

At nobis ærata Lares depellite tela :

Hostia erit plena rustica porcus hara.

Hunc purâ cum veste sequar, myrtoq; canistra

Vincta geram, myrto vinctus & ipse caput.

Sic placeam vobis ; alius sit fortis in armis,

Sternat & adversos Marte favente duces :

Ut mihi potanti possit sua dicere facta

Miles, & in mensâ pingere castra mero.

Quis furor est atram bellis arcessere mortem ?

Imminet, & tacito clam venit illa pede.

Non seges est infra, non vinea culta, sed audax

Cerberus, & Stygiæ navita puppis aquæ.

Illic perscissusq; genis, ustosq; capillo

Errat ad obscuros pallida turba lacus.

Quam potius laudandus hic est, quem prole parata

Occupat in parvâ pigra senecta casa.

Ipse suas sectatur oves, at filius agnos ;

Et calidam fesso comparat uxor aquam.

Sic ego sim, liceatq; caput candescere canis.

Temporis & prisci facti referre senem.

Interea pax arva colat. Pax candida primum

Duxit araturos sub iuga curva boves.

Pax aluit vites, & succos condidit uvæ,

Funderet ut nato testa paterna merum.

accidens vomerq; vigent, at tristia duri  
 Militis in tenebris occupat arma situs.  
 tu nobis, Pax alma, veni, spicamq; teneros  
 Præfluat & pomis candidus ante sinus.

## I I

## Lib. II. Flag. I.

quisquis adest, faveat, fruges lustramus & agros.

Ritus ut a prisco traditus extat avo.

acche veni dulcisq; tuis e cornibus uva

Pendeat, & spicis tempora cinge Ceres.

ace sacrâ requiescat humus, requiescat arator,

Et grave suspensio vomere cesset opus.

olvite vincla jugis. Nunc ad præsepia debent

Plena coronato stare boves capite.

omnia sint operata Deo: non audeat ulla

Lanificam pensis imposuisse manum.

asta placent superis: pura eum veste venite;

Et manibus puris farnite fontis aquam.

ernite fulgentes ut eat sacer agnus ad aras;

Vinctaq; post oleâ candida turba comas

ij patrij, purgamus agros, purgamus agrestes.

Vos mala de nostris pellite limtibus:

Neu seges eludat messem fallacibus herbis,

Neu timeat celeres segnior agna lupos.

tunc nitidus plenis confusus rusticus arcis

Ingerat ardenti grandia ligna foco.

turbæq; vernamur saturi bona signa coloni

Ludet, & ex virigis extruat arte casas.

ventura præcor. Vident' ut felicitibus extis

Significet placidos nuncia fibra Deos?

Nunc mihi formosum veteris proferte Falernum

Consulis & Chio solvite vincla cado.



Vina diem celebrant, non festâ luce madere  
 Est rubor errantes & malè ferre pedes.  
 Sed benè Messalam sua quisq; ad pocula dicat,  
 Nomen & absentis singula verba sonent.  
 Gentis Aquitanæ celeberrima Messala triumphis,  
 Et magna intonsis gloriâ victor avis,  
 Huc ades, aspira; mihi, dum carmine nostro  
 Redditur agricolis gratia cælitibus.  
 Rura cano, rurisq; Deos, his vita magistris  
 Destituit quernâ pellere glande famem.  
 Illi compositis primùm docuere tigillis  
 Exiguam viridi fronde operire domum.  
 Illi etiam tauros primùm docuisse feruntur  
 Servitium, & plaustrum supposuisse rotam.  
 Tunc victus obiére feri, tunc consita pomus,  
 Tunc bibit irriguas fertilis hortus aquas.  
 Aurea tunc pressos pedibus dedit uva liquores,  
 Mistaq; securo est sobria lympha mero.  
 Rura ferunt messes, calidi cùm syderis æstu  
 Deponit flavas annua terra comas.  
 Rure levis verno flores apis ingerit alveo,  
 Compleat ut dulci sedula melle favos.  
 Agricola assiduo primùm satiatus aratro  
 Cantavit certo rustica verba pede:  
 Et satur arenti primùm est modulatus avenâ  
 Carmen, ut ornatos duceret ante Deos.  
 Agricola & minio suffusus, Bacche, rubenti,  
 Primus inexpertâ duxit ab arte choros.  
 Huic datus è pleno memòrabile munus ovili  
 Dux pecoris hircus, duxerat hircus oves.  
 Rure puer verno primùm de flore coronam  
 Fecit, & antiquis imposuit Laribus.

Rure etiam teneris curam exhibitura puellis

Molle gerit tergo lucida vellus ovis.

Hinc & foemineus labor est, hinc pensa, colusque;

Fusus & appposito pollice versat opus.

Atque aliqua assidue textrix operata Minervam

Cantat, & appulso tela sonant latere.

Ipse quoque inter agros, interque armenta Cupido

Natus, & indomitas dicitur inter equas.

Ille indocto primum se exercuit arcu,

Hei mihi quam doctas nunc habet ille manus?

### III.

#### *Eleg. 2.*

Dicamus, Bona verba, venit natalis ad aras :

Quisquis ades, linguâ vir mulierve fave :

urantur pia thura focis, urantur odores,

Quos tener è terrâ divite mittit Arabs.

Ipse suos Genius adsit visurus honores,

Cui decorent sanctas mollia farta comas.

Illic puro distillent tempora nardo,

Atque satur libo sit, madeatque mero.

Annuat & Cerinthe tibi quodcunque, rogabis,

En age quid cessas? annuit ille, roga.

Auguror, uxoris fidos optabis amores.

Jam reor hoc ipsos edidicisse Deos.

Nec tibi malueris totum quaecunque, per orbem

Fortis arat valido rusticus arva bove.

Nec tibi gemmarum quicquid felicibus undis

Nascitur Eöi quâ maris unda rubet.

ota cadunt : utinam strepitantibus advolet alis,

Flavâque conjugio vincula portet Amor.

Vincula quæ maneant semper, dum tarda senectus

Inducat rugas, inficiatque comas.

Huc

Huc veniat natalis avis, prolémq; ministrat,  
Ludat & ante tuos turba novella pedes.

**PROPERTIO.**

Lib. II. Eleg. IX.

*De Amore.*

Quicúmque ille fuit, puerum qui pinxit amorem,  
Nonne putas miras hunc habuisse manus ?  
Hic primùm vidit sine sensu vivere amantes,  
Et levibus curis magna perire bona.  
Idem non frustrà ventosas addidit alas,  
Fecit & humano corde volare Deum :  
Scilicet alternâ quoniam iactamur in undâ,  
Nostrâque non ullis permanet aura locis.  
Et meritò hamatis manus est armata sagittis,  
Et pharetra ex humeris Gnosia utroque jacet.  
Ante ferit quoniam, tuti quàm cernimus hostem,  
Nec quisquam ex illo vulnere sanus abit.  
In me tela manent, manet & puerilis imago,  
Sed certe pennas perdidit ille suas :  
Evolat ah ! nostro quoniam de pectore nusquam,  
Assiduusque meo sanguine bella gerit.  
Quid tibi jucundum siccis habitare medullis ?  
Si pudor est, alio trajice tela tua.  
Intactos isto satius tentare veneno ;  
Non ego, sed tenuis vapulat umbra mea.  
Quam si perdideris, quis erit qui talia cantet ?  
Hæc mea Musa levis gloria magna tua est.

*Lib. III. Eleg. I.*

Callimachi manes, & Cöi sacra Philetæ,

In vestrum, quæso, me finite ire nemus.

Primus ego ingredior puro de fonte sacerdos

Itala per Graios orgia ferre choros.

Dicite quo pariter carmen tenuâstis in antro,

Quove pede ingressi, quâmve bibistis aquam.

Ah valeat, Phœbum quicumq; moratur in armis:

Exactus tenui pumice versus eat.

Quo me fama levat terrâ sublimis? & à me

Nata coronatis Musâ triumphat equis,

En mecum in curru parvi vectantur amores,

Scriptorûmq; meas turba secuta rotas.

Quid frustra missis in me certetis habenis?

Non datur ad Musas currere lata via.

Multi Roma tuas laudes annalibus addent,

Qui finem Imperij Bactra futura canent.

Sed quod pace legas, opus hoc de monte Sororum

Detulit intactâ pagina nostra viâ.

Mollia Pegasides vestro date ferta poetæ,

Non faciet capiti dura corona meo.

At mihi quod vivo detraxerit invida turba,

Post obitum duplici fœnore reddet honos.

Omnia post obitum fingit majora vetustas,

Majus ab exequijs nomen in ora venit.

Nam quis equo pulsas abiegnos nosceret arces?

Fluminâq; Hæmonio cominus isse viro?

Idæum Simoënta Jovis cunabula parvi?

Hectora per campos ter maculâsse rotas?

Deiphobûmque, Helenûmque, & Polydamanta sine ar-

Qualemcumq; Parin vix sua nossent humus.

Exigua sermone fores nunc Ilion, & tu  
 Troja his Oetæi numine capta Dei.  
 Nec non ille tui casus memorator Homerus  
 Posteritate suum crescere sensit opus.  
 Méq; inter feros laudabit Roma nepotes:  
 Illum post cineres auguror esse diem.  
 Nè mea contempto lapis indicet ossa sepulchro  
 Provisum est, Lycio vota probante Deo.  
 Fortunata meo siqua es celebrata libello:  
 Carmina erunt formæ tot monumenta tuæ.  
 Nam neq; Pyramidum sumptus ad sydera ducti,  
 Nec Jovis Elæi coelum imitata domus;  
 Nec Mausolæi dives fortuna sepulchri,  
 Mortis ab extremâ conditione vacat.  
 Aut illis flamma aut imber subducet honores,  
 Annorum aut ictu pondera victa ruent.  
 At non ingenio quæsitum nomen ab ævo  
 Excidet, ingenio stat sine morte decus.

*Propertii Somnium è libr. 3.*

Visus eram molli recubans Heliconis in umbrâ,  
 Bellerophontæi quâ fluit humor equi:  
 Reges, Alba, tuos, & regum facta tuorum  
 Tantum operis nervis hiscere posse meis:  
 Parvâq; tam magnis admôram fontibus ora,  
 Unde pater sitiens Ennius antè bibit.  
 Et cecinit Curios fratres, & Horatia pila,  
 Regiâq; Æmiliâ vecta trophæa rate:  
 Victoriisq; moram Fabij, pugnâmq; sinistram  
 Cannensem, & versos ad pia vota Deos:  
 Hannibalémq; Lares Romanâ fede fugantes,  
 Anseris & tutum voce fuisse Jovem:



Quum me Castaliâ speculans ex arbore Phœbus  
 Sic ait auratâ nixus ad antra lyrâ ;  
 Quid tibi cum tali demens est flumine ? quis te  
 Carminis Herœi tangere iussit opus ?  
 Non hic ulla tibi speranda est fama Properti ;  
 Mollia sunt parvis prata terenda rotis.  
 Cur tua præscriptos evecta est pagina gyros ?  
 Non est ingenij cymba gravanda tui.  
 Alter remus aquas, alter tibi radat arenas,  
 Tutus eris : medio maxima turba mari est.  
 Dixerat, & plectro sedem mihi monstrat eburno,  
 Qua nova muscoso femita facta solo est.  
 Hic erat affixis viridis spelunca lapillis,  
 Pandebantq; cavis tympana pumicibus.  
 Ergo Musarum, & Sileni patris imago  
 Fictilis, & calami, Pan Tegeæ, tui ;  
 Et Veneris dominæ volucres mea turba columbae,  
 Tingunt Gorgoneo punica rostra lacu ;  
 Diversæq; novem sortitæ jura puellæ  
 Exercent teneras in sua dona manus.  
 Hæc ederas legit in thyrsos, hæc carmina nervis  
 Aptat, & illa manu texit utrâq; rosam :  
 Quarum numero me contigit una Dearum,  
 Ut reor è facie, Calliopeia fuit.  
 Contentus niveis semper vectabere cygnis,  
 Nec te fortis equi ducet ad arma sonus.  
 Nil tibi sit rauco prætoria classica cornu  
 Flare, nec Aonium cingere Marte nemus :  
 Aut quibus in campis Mariano prælia signo  
 Stant, & Teutonicas Roma refringat opes :  
 Barbarus aut Suevo perfusus sanguine Rhenus  
 Saucia morrenti corpora vectet aquâ.

Talia Calliope: lymphisq; à fonte petitis  
Ora Phileteâ nostra rigavit aquâ.

*Ejusdem, De morte Pari ob avaritiam.*

Ergo sollicitæ tu causa, pecunia, vitæ es.

Per te immaturum mortis adimus iter.

Tu vitijs hominum crudelia pabula præbes,

Semina curarum de capite orta tuo.

Tu Pætum ad Pharios tendentem lintea portus

Obruis infano terq; quaterq; mari.

Nam dum te sequitur, primo miser excidit ævo,

Et nova longinquis piscibus esca natat.

Flens tamen extremis dedit hæc mandata querelis,

Quum moribunda niger clauderet ora liquor.

Dij maris, Ægei quos sunt penes æquora ponti!

Et quæcunq; meum degravat unda caput!

Quò rapitis miseros primæ lanuginis annos?

Attulimus longas in freta nostra manus.

Ah miser, Alcyonum scopulis affigar acutis:

In me cæruleo fuscina sumpta Deo est.

At saltem Italix regionibus advehat æstus:

Hoc de me fat erit, si modò matris erit.

Subtrahit hæc tantem tortâ vertigine fluctus;

Ultima quæ Pæto nôxq; diésq; fuit.

Atte quid ætatem numeras? quid care natanti

Mater in ore tibi est? non habet unda Deos.

Nam tibi nocturnis ad saxa ligata procellis

Omnia detrito vincula fune cadunt.

Et mater non iusta piæ dare debita terræ,

Nec pote cognatos inter humare rogos.

Sed tua nunc volucres adstant super ossa marinæ;

Nunc tibi pro tumulo Carpathium omne mare.

Infelix Aquilo, raptæ timor Orithyæ,  
 Quæ spolia ex illo tanta fuere tibi?  
 Aut quidnam fractâ gaudes Neptune carinâ?  
 Portabat sanctos alveus ille viros.  
 Centum æquoreæ Nereo genitore puellæ,  
 Et tu nocturno tacta dolore Thetis,  
 Os decuit lasso supponere brachia mento,  
 Non poterat vestras ille gravare manus.  
 Reddite corpus humo, positâq; in gurgite vitâ  
 Pætum sponte tuâ vilis arena tegas.  
 Et quoties Pæti transibit nauta sepulchrum,  
 Dicat: Et audaci tu timor esse potes.  
 Rates curvæ, & lethi texite causam,  
 Ista per humanas mors venit acta manus.  
 Terra parùm fuerat, fatis adjecimus undas.  
 Fortunæ miseras auximus arte vias.  
 Anchora te teneat, quem non tenuere penates?  
 Quid meritum dicas cui sua terra parum est?  
 Natura insidians pontum substravit avaris:  
 Ut tibi succedat, vix semel esse potest.  
 Centorum est quodcunq; paras: haud ulla carina  
 Consenuit, fallit portus & ipse fidem.  
 Aut Agamemnonias testantia littora curas,  
 Quæ notat Argyni poena natantis aqua.  
 Hoc juvene amisso classem non solvit Atrides,  
 Pro quâ mactata est Iphigenia morâ.  
 Saxa triumphales fregere Capharea puppes  
 Naufraga cum vasto Græcia tracta salo est.  
 Aulacum socium jacturam flevit Ulysses.  
 In mare cui solum non valere doli.  
 Hunc parvo ferri vidit nox improba ligno.  
 Pætus ut occideret, tot coiere mala.

Non tulit huic pectus stridorem audire procellæ,  
 Et duro teneros lædere fune manus :  
 Huic fluctus vivo radicitus abstulit ungues,  
 Et miser invitam traxit hiatus aquam.  
 Quod si contentus patrio bove verteret agros,  
 Verbâq; duxisset pondus habere mea :  
 Viveret ante suos dulcis conviva penates  
 Pauper, & in terrâ, nil ubi flere potest.  
 At tu sæve Aquilo, nunquam mea vela videbis.  
 Ante fores dominæ condar oportet iners.

*Lib. 4. Eleg. 12.*

*Ad Paulum : Cornelia,*

Desine Paule meum lachrymis urgere sepulchrum.  
 Panditur ad nullas janua nigra preces.  
 Quum semel infernas intrârunt funera leges,  
 Non exorato stant adamante viæ.  
 Te licet orantem fuscæ Deus audiat aulæ,  
 Nempè tuas lachrymas littora surda bibent.  
 Vota movent superos: ubi portitor æra recepit,  
 Obserat herbosos lurida porta rogos.  
 Sic mœstæ cecinêre tubæ, quum subdita nostrum  
 Detraheret lecto fax inimica caput.  
 Quid mihi conjugium Pauli, quid currus avorum  
 Profuit, aut famæ pignora tanta meæ ?  
 Num minùs immites habui Cornelia Parcas,  
 Et sum quod digitis quinq; lavatur onus ?  
 Damnatae noctes, & vos vada lenta paludes,  
 Et quæcunq; meos implicat unda pedes.  
 Immatura licet, tamen huc non noxia veni.  
 Det pater huic umbræ mollia jura meæ.

Ipsa loquor pro me. Si fallo, poena sororum  
 Infelix humeros urgeat urna meos.  
 Si cui fama fuit per avita decora trophæi,  
 Afræ Numantinos regna loquuntur avos.  
 Altera maternos exæquat turba Libones,  
 Et domus est titulis utraq; fulta suis.  
 Mox ubi jam facibus cellit prætexta maritis,  
 Vinxit & exceptas altera vitta comas:  
 Jangor Paule tuo sic discessura cubili,  
 In lapide hoc uni nupta fuisse legar.  
 Testor majorum cineres tibi Roma colendos,  
 Sub quorum titulis Africa tanta jaces:  
 Et Persen proavi simulantem pectus Achillis  
 Quiq; tuas proavus fregit Achilla domos:  
 Me neq; censuræ legem metuisse, nec ullâ  
 Labe meâ vestros erubuisse focos.  
 Non erat exuvijs tantis Cornelia damnum:  
 Quin & erat magnæ pars imitanda domus.  
 Nec mea mutata est ætas, sine crimine tota est:  
 Viximus insignes inter utramq; facem.  
 Mi natura dedit leges à sanguine ductas,  
 Nec possum melior judicis esse metu.  
 Quælibet austeras de me ferat urna tabellas,  
 Turpior assensu non erit ulla meo.  
 Vel tu, quæ tardam movisti fune Cybellam,  
 Claudia turritæ rara ministra Deæ:  
 Vel cui commissos quum Vesta reposceret ignes,  
 Exhibuit vivos carbasus alba focos.  
 Nec te dulce caput mater Scribonia lesi.  
 In me mutatum quid nisi fata, velis?  
 at ernis laudor lachrymis, urbisq; querelis,  
 Defensa & gemitu Cæsaris ossa mea.



Ille sua natâ dignam vixisse sororem  
 Increpat ; & lachrymas vidimus ire Deo.  
 Te Lepide & te Paule, meum post fata levamen,  
 ( Conditâ sunt vestro lumina nostra sinu )  
 Vidimus, & fratrem sellam geminâsse curulem :  
 Consule quo fati crimine rapta soror.  
 Et benè habet : mater nunquam lugubria sumsi :  
 Venit in exequias tota caterva meas.  
 Nunc tibi commendo communia pignora natos.  
 Hæc cura & cineri spirat inusta meo.  
 Fungere maternis vicibus pater ; illa meorum  
 Omnis erit collo turba ferenda tuo.  
 Oscula quum dederis tua flentibus, adice matris,  
 Tota domus cœpit nunc onus esse tuum.  
 Et siquid doliturus eris, sine testibus illis,  
 Quum venient siccis oscula falle genis.  
 Sat tibi sint noctes, quas de me Paule fatiges :  
 Somniâq; in faciem credita sæpè meam.  
 Atq; ubi secreto nostra ad simulachra loqueris,  
 Ut responsuræ singula verba jace.  
 Seu tamen adversum mutârit janua lectum ;  
 Sederit & nostro cauta noverea toro :  
 Conjugium pueri laudate & ferte paternum,  
 Capta dabit vestris moribus illa manus.  
 Nec matrem laudate nimis, collata priori  
 Vertat in offensas libera verba suas.  
 Seu memor ille meâ contentus manserit umbrâ,  
 Et tanti cineres duxerit esse meos :  
 Discite venturam jam tunc sentire senectam,  
 Cœlibis ad curas nec vacat ulla via.  
 Quod mihi detractum est, vestros accedat ad annos :  
 Prole meâ Paulum sic juvat esse senem.

Filia tu specimen censuræ nacta paternæ,  
 Fac teneas unum nos imitata virum.  
 Hæc est feminei merces extrema triumphî,  
 Laudat ubi cemeritum libera fama rogum.

*Corn. Galli Eleg. I.*

Emula cur cessas finem properare senectus?  
 Vel quid in hoc fesso corpore tarda sedes?  
 Solve precor miseram tali de carcere vitam.  
 Mors est jam requies, vivere pœna mihi.  
 Non sum qui fuerim, periit pars maxima nostri:  
 Hoc quoq; quod superest, languor & horror habet.  
 Luctus gravis in luctu, rebus æsthiolima lætis:  
 Quodq; omni est pejus funere velle mori.  
 Dum juvenile decus, dum mens sensûsq; manebat,  
 Orator toto clarus in orbe fui.  
 Sæpè poetarum mandacia dulcia finxi,  
 Et veros titulos res mihi ficta dedit.  
 Sæpè peroratâ præcepi lite coronam,  
 Et data sunt linguæ præmia digna meæ.  
 Quæ, cum defunctis jam sunt immortua membris,  
 Heu senibus vitæ portio quanta manet?  
 Nec minor his aderat sublimis gratia formæ:  
 Quæ, vel si desint cætera multa, placet.  
 Quinetiam virtus fulvo pretiosior auro,  
 Per quam præclarum plûs micat ingenium.  
 Si placuit canibus densos circumdare saltus,  
 Occubuit telis præda petita meis.  
 Tribuit celeres arcu tentare sagittas,  
 Prostravi multas non sine laude feras.  
 Dulce fuit madidam si fors versare palæstram,  
 Implicui validis lubrica membra toris.

Nunc

Nunc agili cursu cunctos antecire solebam;  
 Nunc tragico cantus exuperare meo.  
 Augebat meritum dulcis mixtura bonorum,  
 Ut semper varium plus micat artis opus.  
 Nam quaecumq; solent per se perpensa placere,  
 Alternò potiùs vincita decore placent.  
 Has inter virtutis opes, tolerantia rerum  
 Spernebat cunctas iussuperata minas.  
 Vertice nudato ventos pluviasq; ferebam,  
 Non mihi solstitium nec grave frigus erat:  
 Innabam gelidas Tyberini fluminis undas,  
 Nec metui dubio credere membra frcto.  
 Quamvis exiguo, poteram requiescere somno,  
 Et quamvis modico, membra fovere cibo.  
 At si me subito vinosus repperit hospes,  
 Et totos suasit sumere vina dies;  
 Cessit & ipse pater Bacchus, stupuitq; bibentem,  
 Et quicumq; solet vincere, victus abit.  
 Haud facile est animum tantis inflectere rebus,  
 Ut res oppositas mens ferat una duas.  
 Intrepidus quaecumq; forent, ad utrumq; ferebar:  
 Cedebant animo tristitia cuncta meo.  
 Pauperiem modico contentus semper amavi,  
 Et rerum Dominus nil cupiendo fui.  
 Tu me sola tibi subdis miseranda senectus,  
 Cui cedit quicquid vincere cuncta potest.  
 In te corruimus, tua sunt quaecumq; fatiscunt:  
 Ultima quæq; tuo conficis ipsa malo.  
 Cuncta trahit secum, vertitq; volubile tempus:  
 Nec patitur certâ currere quemq; viâ.  
 Nunc via longa mihi, gravis est & inutilis ætas,  
 Vivere quum nequeam, sit mihi posse mori.

quàm dura premit miseros conditio vitæ?  
 Nec mors humano subjacet arbitrio.  
 Dulce mori miseris, sed mors optata recedit:  
 At quum tristis erit, præcipitata venit.  
 He verò heu tantis defunctum partibus olim,  
 Tartareas vivum constat inire vias.  
 Minor auditus, gustus minor, ipsa minora  
 Lumina, vix tactu noscere certa queo.  
 Nullus dulcis odor, nulla est jam grata voluptas,  
 Sensibus expertum quis superesse putet?  
 In Lethæa meam subeunt oblivia mentem,  
 Nec, confusa, sui jam meminisse potest.  
 Id nullum confurgit opus, cum corpore languet,  
 Atq; intenta suis obstupet usq; malis.  
 Carmina nulla cano: cantandi summa voluptas  
 Heu fugit, & vocis gratia vera perit.  
 Ipsaq; me species quondam delecta reliquit:  
 Et videor formæ mortuus esse meæ.  
 Non niveo rutiloq; prius, nunc inficit ora  
 Pallor, & exanguis funereusq; color.  
 Sicca cutis, rigidi stant undiq; nervi,  
 Et lacerant uncæ tabida membra manus.  
 Quondam ridentes oculi, nunc fonte perenni  
 Deplangunt pœnas nocte dieq; suas.  
 At quos grata prius ciliorum sæta tegebant  
 Desuper incumbens hispida sylva premit,  
 Velut inclusi cæco conduntur in antro:  
 Nescio quid torvum, vel furiale vident.  
 Nam pavor est vidisse senem, nec credere possis  
 Hunc hominem, humanâ qui ratione caret.  
 In libros repeto, duplex se littera findit,  
 Largior occurrit pagina nota mihi.

Claram per nebulas videor mihi cernere lucem,  
 Nubila sunt oculis ipsa serena meis.  
 Eripitur sine nocte dies : caligine cæcâ  
 Septum Tartareo quis negat esse loco?  
 Talia quis demens homini persuaserit autor,  
 Ut cupiat voto turpior esse suo?  
 Jam subeunt morbi, subeunt discrimina mille :  
 Jam dulces epulæ delitiæq; nocent.  
 Cogimur à gratis animum suspendere rebus,  
 Atq; ut vivamus, vivere definimus.  
 Et jam me dudum, cui nulla adversa nocbant,  
 Ipsa, quibus regimur, nunc alimenta gravant.  
 Esse libet saturum, saturum mox esse pigebit :  
 Præstat ut abstineam, ast abstinuisse nocet.  
 Quæ modò profuerat, contraria redditur esca :  
 Fastidita jacet, quæ modò dulcis erat.  
 Nec Veneris sunt grata mihi nec munera Bacchi,  
 Nec quicquid vitæ fallere damna solet.  
 Non potus, experta mihi medicamina, profunt,  
 Non ægris quicquid ferre solebat opem.  
 Non secus instantem cupiens fulcire ruinam,  
 Diversis contra nititur obicibus:  
 Donec longa dies omni compage solutâ ,  
 Ipsum cum rebus subruat auxilium.  
 Quid, quod nulla levant animum spectacula rerum  
 Non mala tot vitæ dissimulare licet?  
 Turpe seni vultus nitidi, vestesq; decoræ,  
 Atq; etiam est ipsum vivere turpe senem.  
 Crimen amare jocos, crimen convivia, cantus;  
 O miseri, quorum gaudia crimen habent!  
 Quid mihi divitiæ, quarum si demeris usum,  
 Quamvis largus opum, semper egenus ero?



Imò etiam poena est partis incumbere rebus,  
 Quas cùm possideas est violare nefas :  
 Non aliter sitiens vicinas Tantalus undas  
 Captat, & appositis abstinet ora cibis.  
 Efficior custos rerum magis ipse mearum,  
 Conservans aliis quæ periêre mihi.  
 Sicut in auricomis pendentia plurimus hortis  
 Pervigil observat non sua poma draco.  
 Hinc me sollicitum torquent super omnia curæ,  
 Hinc requies animo non datur ulla meo.  
 Quærere quæ nequeo semper retinere laboro,  
 Et retinens semper, nil tenuisse puto.  
 Est dubius tremulûsq; senex, sempérq; malorum  
 Credulus, & stultus quæ facit ipse timet.  
 Laudat præteritos, præsentis despicit annos ;  
 Hoc tantum rectum, quod sapit ipse, putat.  
 Et solum doctum se judicat esse peritum ;  
 Et quod sit sapiens, desipit inde magis.  
 Multa licèt nobis referens, eadêmq; revolvens  
 Horret, & alloquium conspuat ipse suum.  
 Deficit auditor, non deficit ipse loquendo :  
 O solâ fortes garrulitate senes !  
 Omnia necquicquam clamorosis vocibus implet ;  
 Nil satis est, horret, quæ placuêre modò.  
 Arridet de se ridentibus : at sibi plaudens  
 Incipit opprobrio lætior esse suo.  
 Hæ sunt primitiæ mortis, his partibus ætas  
 Defluit, & pigris gressibus ima petit.  
 Non habitus, non ipse color, non gressus euntis,  
 Non species eadem, quæ fuit antè, manet.  
 Labitur ex humeris demisso corpore vestis,  
 Quæq; brevis fuerat, jam modò longa mihi est.

Contrahimur miróq; modò decrescimus ipsi;  
 Diminui nostri corporis ossa putes.  
 Nec cælum spectare licet, sed prona senectus  
 Terram, & quâ genita est, quò reditura, videt.  
 Fítq; tripes, deinde & quadrupes cèu parvulus infans  
 Et per sordentem (flebile) serpit humum.  
 Ortus cuncta suos repetunt matrémq; requirunt:  
 Et redit ad nihilum quod fuit antè nihil.  
 Hinc est quod baculo incumbens ruitura senectus,  
 Assiduo pigram verberè pulsat humum:  
 Et numerosa movens certo vestigia passu,  
 Talia rugato creditus ore loqui:  
 Suscipe me genitrix, nati miserere laborum,  
 Membra velis gremio fessa fovere tuo.  
 Horrent me pueri, nequeo velut antè videri:  
 Horrendos partus cur finis esse tuos?  
 Nil mihi cum superis, explevi munera vitæ;  
 Redde precor patrio mortua membra solo.  
 Quid miseros variis prodest suspendere pœnis?  
 Non est materni pectoris ista pati.  
 His dictis, trunco titubantes sustinet artus,  
 Neglecti repetens flamina dura tori;  
 Quo postquam jacuit, misero quid funere differt?  
 Heu tantùm attriti corporis ossa vides.  
 Quúm; magis jaceam semper, vivám; jacendo:  
 Quis sub vitali me putet esse loco?  
 Jam pœna est totum quod vivimus: urimur æstu,  
 Officiunt nebulæ, frigus, & aura nocet.  
 Ros lædit, modicóq; etiam corrumpitur imbre;  
 Veris, & Autumnii lædit amœna dies.  
 Hinc miserum scabies, hinc tussis anhela fatigat;  
 Vix valet in gemitus ægra senecta suos.

os superesse rear, quibus & spirabilis aër,  
 Et lux, quâ regimur, redditur ipsa gravis ?  
 sa etiam cunctis requies gratissima somnus  
 Abvolat, & serâ vix mihi nocte redit.  
 el si lassatos unquam dignabitur artus,  
 Turbidus in quantis horret imaginibus !  
 ollia fulcra tori duris sunt cotibus æqua :  
 Parva licèt, magnum pallia pondus habent.  
 ogor per mediam turbatus surgere noctem,  
 Multâq; nè patiar deteriora, pati.  
 incimur infirmi defectu corporis, & quâ  
 Noluero (inœlix) hâc ego parte trahor.  
 omnia naturæ solvuntur viscera nostræ,  
 Et tam præclarum quod malè mutat opus.  
 is veniens onerata malis inopina senectus,  
 Cedere ponderibus se docet ipsa suis.  
 ergo quis has cupiat per longum ducere pœnas ?  
 Paulatimq; animâ deficiente mori ?  
 Morte mori melius, quàm vitam ducere mortis,  
 Et sensus membris sic sepelire suis.  
 Non queror heu longi quod totum solvitis anni,  
 Improbâ naturæ dicere jura nefas.  
 Deficiunt validi longævo tempore tauri :  
 Et quondam pulcher, qui modò turpis, equus.  
 racta diu rabidi compescitur ira Leonis :  
 Lentâq; per senium Caspia Tigris erit.  
 ipsa etiam veniens consumet saxa vetustas,  
 Et nullum est quod non tempore cedat opus.  
 Sed mihi venturos melius prævertere casus,  
 Atq; inœlices anticipare dies.  
 Pœna minor, certam subitò præferre ruinam ;  
 Quod timeas gravius sustinuisse diu.

At

At quos fert alios quis possit dicere casus ?  
 Hoc quoq; difficile est commemorâsse seni.  
 Jurgia, contemptus, violentâq; damna sequuntur,  
 Nec quicquam ex tantis præbet amicus opem.  
 Ipsi me pueri, atq; ipsæ sine lite puellæ  
 Turpe putant dominum me vocitare suum.  
 Irrident gressus, irrident denique vultum,  
 Et tremulum, quondam quod timuere caput.  
 Quîmq; nihil videam, tamen hoc spectare licebit,  
 Ut gravior misero pœna sit ista mihi.  
 Fœlix qui meruit tranquillam ducere vitam,  
 Et lætos stabili claudere fine dies.  
 Dura satis misero memoratio prisca bonorum,  
 Et gravius summo culmine missa ruunt.

*Eleg. V I.*

Claude precor miseras ætas verbosa querelas,  
 Nunquid adhuc vitium vis referare tuum ?  
 Sit satis indignum leviter tetigisse pudorem,  
 Contractata diu crimina crimen habent.  
 Omnibus est eadem lethi via, non tamen unus  
 Est vitæ cunctis, exitiq; modus.  
 Hâc pueri, atq; senes pariter, juvenesq; ferantur,  
 Hâc par divitibus pauper egenus erit.  
 Ergo quod astrictum quodq; est vitabile nulli,  
 Festino gressu vincere præstat iter.  
 Infœlix ceu jam defleto corpore surgo :  
 Hâc me defunctum vivere parte puto.

*Eumolpi impetus, apud*

## PETRONIUM

Orbem jam totum Victor Romanus habebat,  
 Quâ mare, quâ terræ, quâ sidus currit utrumq;  
 Nec satiatus erat: gravidis freta pulsa carinis  
 iam peragrabantur, si quis sinus abditus ultra,  
 Si qua foret tellus, quæ fulvum mitteret aurum,  
 Hostis erat: fatisque in tristia bella paratis  
 Quærebantur opes: non vulgò nota placebant  
 Gaudia, non usu plebeio trita voluptas.  
 Assyriâ concham laudabat miles in undâ:  
 Quæsitus tellure nitor certaverat ostro.  
 Hinc Numidæ cristas, illinc nova vellera Seres,  
 Atque Arabum populus sua despoliaveret arva.  
 Ecce aliæ clades & læsæ vulnera pacis.  
 Quæritur in sylvis Mauri fera: & ultimus Ammon  
 Afrorum excutitur, ne desit bellua dente  
 Ad mortes pretiosa suas, premit advena classes  
 Tigris, & auratâ gradiens vectatur in aulâ,  
 Ut bibat humanum populo plaudente cruorem.  
 Heu! pudet effari, perituraque prodere fata:  
 Quærit se natura, nec invenit. omnibus ergo  
 Scorta placent, fractique enervi corpore gressus,  
 Et laxi crines, et tot nova nomina vestis,  
 Quæque virum quærant. Ecce Afris eruta terris  
 Citrea mensa, greges fervorum, ostrumque renidens  
 Ponitur, ac maculis imitatur vilibus aurum,  
 Quæ sensum turbant. Hostile ac mobile lignum  
 Turba sepulta mero circumvenit: omniaque orbis  
 Præmia, correptis miles vagus extruit armis.

Ingeniosa



Ingeniosa gula est. Siculo scarus æquore merfus  
 Ad mensam vivus producitur : inde Lucrinis  
 Eruta littoribus vendunt conchylia cœnas ,  
 Ut renorent per damna famem. Jam Phasidos und  
 Orbata est avibus: mutoque in litore tantum  
 Solæ desertis adspirant frondibus auræ.  
 Nec minor in campo furor est, emptique Quirites  
 Ad prædam strepitumque; lucri suffragia vertunt.  
 Venalis populus, venalis curia Patrum:  
 Est favor in precio, senibus quoque libera virtus  
 Exciderat, sparsisque opibus conversa potestas  
 Ipsaque majestas auro corrupta jacebat.  
 Pellitur à populo victus Cato : tristior ille est  
 Qui vi cit, fascesque, pudet rapuisse Catoni.  
 Namque hoc dedecus est populi, morumque ruina ;  
 Non homo pulsus erat, sed in uno victa potestas  
 Romanumque decus. Quare tam perdita Roma  
 Ipsa sui merces erat, & sine vindice præda.  
 Præterea gemino deprensam gurgite prædam  
 Fœnoris illuvies, ususque exederat æris.  
 Nulla est certa domus, nullum sine pignore corpus  
 Sed veluti tabes tacitis concepta medullis  
 Intra membra furens curis latrantibus errat.  
 Arma placent miseris, detritaque commoda luxu  
 Vulneribus reparantur. Inops audacia tuta est.  
 Hocmersam cœno Romam, somnoque jacentem  
 Quæ poterant artes sana, ratione movere,  
 Nî furor & bellum, ferrumque excita libido ?  
 Tres tulerat fortuna duces; quos obruit omnes  
 Armorum strue diversa feralis Enyo.  
 Crassum Parthus habet: Libyco jacet æquore Magnus  
 Julius ingratam perfudit sanguine Romam.

Et, quasi non posset tot tellus ferre sepulchra,  
 Divisit cineres. Hos gloria reddit honores.  
 Est locus exciso penitus demersus hiatu,  
 Parthenopen inter, magnæq; Dicharchidos arva,  
 Cocytiâ perfusus aquâ. Nam spiritus extra  
 Qui furit effusus funesto spargitur æstu.  
 Non hæc Autumno tellus viret, aut alit herbas  
 Cespitem lætus ager : non verno persona cantu  
 Mollia discordi strepitu virgulta loquuntur :  
 Sed Chaos, & nigro squallentia pumice saxa  
 Gaudent ferali circumtumulata cupressu.  
 Has inter sedes Ditis pater extulit ora,  
 Gustorum flammis & canâ sparsa favillâ ;  
 Et tali volucrem fortunam voce lacescit :  
 Rerum humanarum divinarumq; potestas,  
 Fors, cui nulla placet nimium secura potestas,  
 Quæ nova semper amas, & mox possessa relinquis:  
 Ecquid Romano sentis te pondere victam?  
 Nec posse ulterius perituram extollere molem?  
 Ipsa suas vires odit Romana juvenus,  
 Et quas struxit opes, male sustinet. Aspice latè  
 Luxuriam spoliolorum & sensum in damna furentem ;  
 Edificant auro sedesq; ad sydera mittunt.  
 Expelluntur aquæ saxi: mare nascitur arvis:  
 Et permutatâ rerum statione rebellant.  
 In etiam mea regna petunt. Perfossa dehiscit  
 Molibus insanis tellus. Jam montibus haustis  
 Intra gemunt : & dum varios lapis invenit usus,  
 Inferno manes cœlum sperare jubentur.  
 Quare age, fors, muta pacatum in prælia vultum,  
 Romanosq; cie. ac nostris da funera regnis.  
 Imprideim nullo perfundimus ora cruore,

Nec mea Tisiphone sitientes perluit artus ;  
 Ex quo Sullanus bibit ensis, & horrida tellus  
 Extulit in lucem nutritas sanguine fruges.

Hæc ubi dicta dedit, dextræ conjungere dextram  
 Conatus, rupto tellurem solvit hiatu.  
 Tunc fortuna levi diffudit pectore voces.

O Genitor, cui Cocyti penetralia parent,  
 Si modò vera mihi fas est impune profari,  
 Vota tibi cedent : nec enim minor ira rebellat  
 Pectore in hoc, leviórq; exurit flamma medullas.  
 Omnia, quæ tribui Romanis artibus, odi :  
 Muneribúsq; meis irascor : destruet istas  
 Idem, qui posuit, moles Deus . Est mihi cordi  
 Quippe cremare viros , & sanguine pascere luxum.  
 Cerno equidem geminâ jam stratos morte Philippos  
 Thessaliæq; rogos, & funera gentis Iberæ.  
 Jam fragor armorum trepidantes personat aures ;  
 Et Libyæ cerno tua Nile gementia claustra,  
 Aëtiacósq; sinus & Apollinis arma timentes.  
 Pande age terrarum sitientia regna tuarum  
 Atq; animas arcesse novas. Vix navita Porthmeus  
 Sufficiet simulacra virûm traducere cymbâ ;  
 Classe opus est, túq; ingenti satiare ruina  
 Pallida Tisiphone, concisâq; vulnera mande.  
 Ad Stygios manes laceratus ducitur orbis.

Vix dum finierat, quum fulgure rupta corusco  
 Intremuit nubes, elisósq; abscidit ignes.  
 Subsedit pater umbrarum, gremiódq; reducto  
 Telluris, pavitans fraternos palluit ictus.  
 Continuò clades hominum, venturâq; damna  
 Auspiciis patuere Deûm, námq; ore cruento  
 Deformis Titan vultus caligine texit.

viles acies jam tum sperare putares.  
 arte aliâ plenos extinxit Cynthia vultus,  
 lucem celeri subduxit, rupta tonabant  
 verticibus laetis montis juga, nec vaga passim  
 flumina per notas ibant morientia ripas.  
 armorum strepitu cœlum furit, & tuba Martem  
 sideribus transmissa ciet: jamq; Ætna voratur  
 ignibus insolitis, & in æthera fulmina mittit.  
 ecce inter tumulos, atq; ossa carentia bustis.  
 umbrarum facies diro stridore minatur.  
 ex stellis comitata novis incendia ducit:  
 sanguineoq; recens descendit Jupiter imbre.  
 hæc ostenta brevi solvit Deus. Exiit omnes  
 quippe moras Cæsar, vindictæq; actus amore  
 Italica projecit, civilia sustulit arma.  
 Alpibus aëriis, ubi Graio nomine, pulsæ  
 Descendunt rupes, & se patiuntur adiri,  
 Est locus Herculeis aris sacer. hunc nive dura  
 claudit hyems, canoq; ad sidera vertice tollit.  
 Cœlum illinc cecidisse putes: non solis adulti  
 Mansuescit radiis, non verni temporis aurâ:  
 sed glacie concreta rigent, hyemísq; pruinis  
 Totum ferre potest humeris minitantibus orbem.  
 Hæc ubi calcavit Cæsar juga milite læto,  
 Optavitq; locum summo de vertice montis  
 Hesperiae campos late prospexit, & ambas  
 tentans cum voce manus ad sidera, dixit:  
 Jupiter omnipotens, & tu Saturnia Tellus  
 Armis læta meis, olimq; onerata triumphis:  
 Testor ad has acies invitum arcescere Martem,  
 Invitas me ferre manus, sed vulnere cogor,  
 Pulsus ab urbe meâ dum Rhenum sanguine vinco,

Dum Gallos iterum Capitolia nostra petentes  
 Alpibus excludo, vincendo certior exul:  
 Sanguine Germano sexagintâq; triumphis  
 Esse nocens cœpi. quanquam quos gloria terret,  
 Aut qui sunt, qui bella volunt? mercedibus emptæ,  
 Ac viles operæ, quorum est mea Roma noverca;  
 Ut reor haud impune, nec hanc sine vindice dextram  
 Vinciet ignavus. Victores ite ferentes,  
 Ite mei Comites, & causam dicite ferro.  
 Namq; omnes unum crimen vocat: omnibus una  
 Impendet clâdes. reddenda est gratia vobis:  
 Non solus vici. quare, quia pœna trophæis  
 Imminet, & sordes meruit victoria nostra,  
 Judice fortuna cadat alea. sumite bellum,  
 Et tentate manus; certe mea causa peracta est.  
 Inter tot fortes armatus nescio vinci.

Hæc ubi personuit, de cœlo Delphicus ales  
 Omnia læta dedit, pepulitq; meatibus auras.  
 Nec non horrendi nemoris de parte sinistra  
 Insolitæ voces flammâ sonuere sequenti.  
 Ipse nitor Phœbi vulgato lætior orbe  
 Crevit, & aurato præcinxit fulgure vultus.

Fortior ominibus movit Mavortia signa  
 Cæsar, & insolito gressu prior occupat haustus.  
 Prima quidem glacies & canâ juncta pruina  
 Non pugnavit humus, mitiq; horrore quievit:  
 Sed postquam turmæ nimbos fregêre ligatos,  
 Et pavidus quadrupes undarum vincula rupit,  
 Incaluêre nives, mox flumina montibus altis  
 Undabant modò nata: sed hæc quoq; iussa putares  
 Stabant, & vinctâ fluctus stupuere pruina:  
 Et paulò ante lues jam concidenda jacebat.



Tum verò malefida prius vestigia lufit,  
 Decepitq; pedes. passim turmæq; virique,  
 Armaq; congesta strue deplorata jacebant.  
 Ecce etiam rigido concussæ flamine nubes  
 Exonerabantur, nec rupti turbine venti  
 Decerant, aut tumido contractum grandine cœlum.  
 Ipse jam nubes ruptæ super arma cadebant,  
 Et concreta gelu ponti velut unda ruebat.  
 Victa erat ingenti Tellus nive, victaq; cœli  
 sidera; victa suis hærentia flumina ripis :  
 nondum Cæsar erat : sed magnam nixus in hastam  
 Horrida securis frangebatur gressibus arva.  
 Qualis Caucasæ decurrens arduus arce  
 Amphitryoniades; aut torvo Jupiter ore,  
 Quum se verticibus magni demilit Olympi,  
 Et periturorum disjecit tela Gigantum.  
 Dum Cæsar tumidas iratus deprimit arces :  
 Interea volucer motis conterrita pennis  
 Pama volat, summisq; petit juga celsa Palati :  
 Atq; hoc Romano attonito fert omnia signa :  
 Jam classes fluitare mari, totasq; per Alpès  
 Fervere Germano perfusas sanguine turmas.  
 Arma, cruor, cædes, incendia, totaq; bella  
 Ante oculos volitant. ergo pulsata tumultu  
 Pectora per dubias scinduntur territa causas.  
 Huic fuga per terras, illi magis unda probatur,  
 Et patriâ est pontus jam tutior. est magis arma  
 Qui tentata velit, fatisq; jubentibus actus,  
 Quantum quisq; timet, tantum fugit. ocyor ipse  
 Hos inter motus populus (miserabile visu !)  
 Quo mens ista jubet, desertâ ducitur urbe.  
 Gaudet Roma fugâ, debellatq; Quirites

Rumoris sonitu mœrentia tecta relinquunt.  
 Ille manu trepidâ natos tenet: ille penates  
 Occultat gremio, deploratúmque relinquit.  
 Lumen, & absentem votis interficit hostem  
 Sunt qui conjugibus mœrentia pectora jungunt,  
 Grandævósque Patres: onerísque ignara juvenus  
 Id, pro quo metuit, tantum trahit. omnia secum  
 Hic vehit imprudens prædámque in prælia ducit.

Ac velut ex alto quum magnus inhorruit Auster,  
 Et pulsas evertit aquas, non arma ministris,  
 Non regimen prodest: ligat alter pondera pinus,  
 Alter tuta sinu tranquilláque littora quærit:  
 Hic dat vela fugæ, fortunæque omnia credit.  
 Quid tam parva queror? gemino cum consule Magni  
 Ille tremor Ponti, sævi quoque terror Hydaspis,  
 Et piratarum scopulus: modò quem ter ovantem  
 Jupiter horruerat, quem fracto in gurgite pontus,  
 Et veneratus erat submissa Bosporus unda,  
 Proh pudor! imperii deserto nomine fugit,  
 Ut fortuna levis Magni quoque terga videret.  
 Ergo tanta lues Divum quoque numina vidit,  
 Consensitque fugæ cœli timor. ecce per orbem  
 Mitis turba Deum, terras exosa furentes  
 Deserit, atque hominum damnatum avertitur agmen:  
 Pax prima ante alios, niveos pulsata lacertos,  
 Abscondit galeâ victum caput; atque relicto  
 Orbe sagax Ditis petit implacabile regnum.  
 Hinc comes it sincera Fides, & crine soluto  
 Justitia, ac mœrens lacerâ Concordia pallâ.  
 At contrâ, sedes Erebi qua rupta dehiscit,  
 Emergit late Ditis chorus, horridâ Erinnyes  
 Et Bellona minax, facibúsque armata Megæra:

Letúmque Insidiæque, & lurida Mortis imago.  
 Quas inter Furor, abruptis seu liber habenis  
 Sanguineum late tollit caput, oráque mille  
 Vulneribus confossa cruentâ callide velat.  
 Hæret detritus lævæ Mavortius umbo,  
 Innumerabilibus telis gravis : atque flagranti  
 Stipite dextra minax terris incendia portat.  
 Sentit terra Deos, mutatáque sidera pondus  
 Quæſivere suum. namque omnis Regia cœli  
 In partes diducta ruit. primúmque Dione  
 Cæsaris acta sui ducit. comes additur illi  
 Pallas, & ingentem quatiens Mavortius hastam :  
 Magnaque cum Phœbo soror, & Cyllenia proles  
 Excipit, ac totis similis Tirynthius actis.  
 Infremuere tubæ, & scisso Discordia crine  
 Extulit ad superos Stygium caput. huius in ore  
 Concretus sanguis, contusaque lumina flebant.  
 Strabant ærati scabrâ rubigine dentes :  
 Tabo lingua fluens, obsessa draconibus ora,  
 Atque intertorto laceratâ pectore veste,  
 Sanguineam tremula quatiebat lampada dextra.  
 Hæc ut Cocyti tenebras, & Tartara liquit,  
 Alta petit gradiens juga nobilis Appennini,  
 Unde omnes terras, atque omnia littora posset  
 Aspicere, ac toto fluitantes orbe catervas :  
 Atque has erumpit furibundo pectore voces :  
 Sumite nunc gentes accensis mentibus arma,  
 Sumite, & in medias immittite lampadas urbes.  
 Vincetur quicumque latet, non foemina cesset,  
 Non puer, aut ævo jam desolata senectus.  
 Ipsa tremat tellus, laceratáque tecta rebellent.  
 Tu legem Marcelle tene : tu concute plebem

Curis,

Curis, tu fortem nè supprime, Lentule, Martem:  
 Quid porro tu Dive tuis cunctaris in armis?  
 Non frangis portus? non muris oppida solvis,  
 Thesaurósq; rapis? nescis tu Magne tueri,  
 Romanas acies? Epidauria mœnia quære,  
 Thessalicósq; sinus humano sanguine tinge.  
 Factum est in terris quicquid Discordia jussit.

### E BOETHIO,

*Cujus aliquid quòd neglexerit, id peccati donan-  
 dum est Compendio.*

Lib. I. Metr. I.

Carmina qui quondam studio florente peregi,  
 Flebilis heu! mœstos cogor inire modos.  
 Ecce mihi laceræ dictant scribenda Camœnæ,  
 Et veris elegi fletibus ora rigant.  
 Has saltem nullus potuit pervincere terror,  
 Nè nostrum comites prosequerentur iter.  
 Gloria fœlicis olim viridísq; juventæ  
 Solantur mœsti nunc mea fata senis.  
 Venit enim properata malis inopina senectus,  
 Et dolor ætatem jussit inesse suam.  
 Intempestivi funduntur vertice caní,  
 Et tremit effœto corpore laxa cutis.  
 Mors hominum fœlix, quæ se nec dulcibus annis  
 Inferit, & mœstis sæpe vocata venit.  
 Heu! heu! quam sordâ miseros avertitur aure,  
 Et flentes oculos claudere sæva negat.  
 Dum levibus malefida bonis fortuna faveret,  
 Penè caput tristis merserat hora meum.

tunc quia fallacem mutavit nubila vultum,  
 Protrahit ingratas impia vita moras.  
 Quid me foelicem toties jactastis amici ?  
 Qui cecidit, stabili non erat ille gradu.

## II.

quisquis compolito serenus ævo,  
 atum sub pedibus dedit superbum,  
 fortunamq; tuens utramq; rectus,  
 victum potuit tenere vultum :  
 Non illum rabies, minæq; ponti  
 ersum funditûs excitantis æstum,  
 nec raptis quoties vagus caminis  
 torquet fumificos Vesëvus ignes,  
 ut celtas soliti ferire tures  
 ardentis via fulminis movebit.  
 Quid tantum miseri feros tyrannos  
 irantur sine viribus furentes ?  
 Nec speres aliquid, nec extimescas,  
 exarmaveris impotentis iram.  
 et quisquis trepidus pavet vel optat,  
 quod non sit stabilis suiq; juris,  
 objecit clypeum, locóq; motus  
 ectit, quâ valeat trahi, catenam.

## VII.

tubibus atris  
 ondata nullum  
 andere possunt  
 dera lumen.

Si mare volvens  
 Turbidus auster  
 Misceat æstum,  
 Vitrea dudum

L

Párq



Pârq; serenîs  
 Unda diebus,  
 Mox resolutô  
 Sordida cœno,  
 Visîbus obstat.  
 Quîq; vagatur  
 Montibus altis  
 Defluus amnis,  
 Sæpè resistit  
 Rupe soluti  
 Objice saxi.  
 Tu quoq; si vis

Lumine claro  
 Cernere verum,  
 Tramite recto  
 Carpere callem:  
 Gaudia pelle,  
 Pelle timorem,  
 Spémq; fugato,  
 Nec dolor adsit;  
 Nubila mens est,  
 Vincitq; frænis,  
 Hæc ubi regnant.

*Lib. 2. Metr. 2.*

Si quantas rapidis flatibus incitus  
 Pontus versat arenas,  
 Aut quot stelliferis edita noctibus  
 Cœlo sydera fulgent:  
 Tantas fundat opes, nec retrahat manum  
 Pleno copia cornu,  
 Humanum miseras haud ideò genus  
 Cessat flere querelas.  
 Quamvis vota libens excipiet Deus  
 Multi prodigus auri;  
 Et claris avidos ornet honoribus,  
 Nil iam parta videntur.  
 Sed quæsitâ vorans sæva rapacitas  
 Altos pandit hiatus.  
 Quæ jam præcipitem fræna cupidinem  
 Certo sine retentent,

argis cum potius muneribus fluens

Sitis ardescit habendi ?

Nunquam dives agit, qui trepidus gemens

Sese credit egentem.

#### I V.

Quisquis volet perennem

Cautus ponere sedem,

Stabilisq; nec sonori

Sterni flatibus Euri,

Et fluctibus minantem

Curat spernere pontum ;

Montis cacumen alti,

Bibulas vitet arenas.

Illud protervus auster

Totis viribus urget,

Hæ pendulum solutæ

Pondus ferre recusant.

Fugiens periculofam

Sortem sedis amœnæ,

Humili domum memento

Certus figere saxo.

Quamvis tonat ruinis

Miscens æquora ventus,

Tu conditus quieti

Fœlix robore valli,

Duces serenæ ævum,

Ridens ætheris iras

## V.

Foelix nimium prior ætas,  
 Contenta fidelibus arvis,  
 Nec inertī perdita lūxu,  
 Facili quæ sera solebat  
 Jejunia solvere glande :  
 Nec Bacchica munera nōrat  
 Liquido confundere melle :  
 Nec lucida vellera Serum  
 Tyrio miscere veneno.  
 Somnos dabat herba sālubres,  
 Potum quoq; lubricus amnis,  
 Umbras altissima pinus.  
 Nondum maris alta secabat,  
 Nec mercibus undiq; lectis  
 Nova littora viderat hospes.  
 Tunc classica sæva tacebant,  
 Odijs neq; fusus acerbis  
 Cruor horrida tinxerat arma.  
 Quid enim cruor hosticus ulla  
 Vellet prior arma movēre,  
 Cūm vulnera sæva videret,  
 Nec præmia sanguinis ulla ?  
 Utinam modò nostra redirent  
 In mores tempora priscos.  
 Sed sævior ignibus Ætnæ  
 Fervens amor ardet habendi.  
 Heu ! primus quis fuit ille,  
 Auri qui pondera tecti,  
 Gemmāsque latere volentes,  
 Preciosa pericula fodit ?

## VII.

quicunq; solam mente præcipiti petit,  
 Summumq; credit gloriam,  
 cæ patentis ætheris cernat plagas,  
 Arcumq; terrarum situm;  
 replem replere non valentis ambitum  
 Pudebit aucti nominis.  
 Quid, ô! superbi colla mortali jugo  
 Frustrâ levare gestiunt?  
 cecet remotos fama per populos means  
 Diffusa linguas explicet,  
 et magna titulis fulgeat claris domus,  
 Mors spernit altam gloriam:  
 involvit humile pariter & celsum caput,  
 Equatq; summis infima.  
 ubi nunc fidelis ossa Fabricii manent?  
 Quid Brutus aut rigidus Cato?  
 ignat superstes fama tenuis pauculis  
 Inane nomen literis.  
 Quid quid decora novimus vocabula?  
 Num scire consumptos datur?  
 cetis ergò prorsus ignorabiles,  
 Nec fama notos efficit.  
 Quod si putatis longius vitam trahi  
 Mortalis aurâ nominis,  
 cum sera vobis rapiet hoc etiam dies,  
 Jam vos secunda mors manet.

## VIII.

Quod mundus stabili fide

Con-

Concors variat vices ;  
 Quod pugnancia femina  
 Fœdus perpetuum tenent ;  
 Quod Phœbus roseum diem  
 Curru provehat aureo ;  
 Ut quas duxerit Hesperus  
 Phœbe noctibus imperet ;  
 Ut fluctus avidum mare  
 Certo fine coërceat,  
 Ne terris liceat vagis  
 Latos tendere terminos ;  
 Hanc rerum seriem ligat  
 Terras ac pelagus regens  
 Et cœlo imperitans amor.  
 Hic si fræna remiserit,  
 Quicquid nunc amat invicem  
 Bellum continuò gerit :  
 Et quam nunc sociâ fide  
 Pulchris motibus incitant,  
 Certent solvere machinam.  
 Hic sancto populos quoq;  
 Junctos fœdere continet.  
 Hic & conjugii sacrum  
 Castis necrit amoribus.  
 Hic fidis etiam sua-  
 Dictat jura sodalibus.  
 O foelix hominum genus,  
 Si vestros animos amor,  
 Quo cœlum regitur regat.



*Lib. 3. Metr. 3.*

Quamvis fluenti dives auri gurgite  
 Non expleturas cogat avarus opes ;  
 Meretq; baccis colla rubri littoris,  
 Ruráq; centeno scindat opima bove ;  
 Nec cura mordax deferit superstitem,  
 Defunctúmq; leves non comitantur opes.

## V.

Qui se volet esse potentem,  
 Animos domet ille feroces :  
 Nec victa libidine colla  
 Fœdis summittat habenis.  
 Etenim licet Indica longè  
 Tellus tua jura tremiscat,  
 Et serviat ultima Thule,  
 Tamen atras pellere curas  
 Miserásq; fugare querelas  
 Non posse, potentia non est.

## VI.

omne hominum genus in terris  
 Simili surgit ab ortu.  
 Unus enim rerum pater est,  
 Unus cuncta ministrat.  
 Dedit Phœbo radios,  
 Dedit & cornua Lunæ.  
 Lib. Dedit homines etiam terris  
 Dedit, & sidera cœlo.

Hic

Hic clausit membris animos  
 Celsa sede petitos.  
 Mortales igitur cunctos  
 Edit nobile germen.  
 Quid genus & proavos strepitis ?  
 Si primordia vestra,  
 Autorémq; Deum spectes,  
 Nullus degener extat,  
 Ni vitiis pejora fovens,  
 Proprium deferat ortum.

## V I I.

Habet hoc voluptas omnis,  
 Stimulis agit fruentes.  
 Apiúm; par volantúm,  
 Ubi grata mella fudit,  
 Fugit, & nimis tenaci  
 Ferit ic̃ta corda morsu.

## V I I I.

Heu! heu! quæ miseros tramite devio  
 Abducit ignorantia?  
 Non aurum in viridi quæritis arbore,  
 Nec vite gemmas carpitis;  
 Non altis laqueos montibus abditis,  
 Ut pisce ditetis dapes.  
 Nec vobis capreas si libeat sequi  
 Tyrrhena captatis vada.  
 Ipsos quinetiam fluctibus abditos  
 Nôrunt recessus æquoris;

Quæ gemmis niveis unda feracior

Vel quæ rubentis purpuræ :

Nec non quæ tenero pisce, vel asperis

Præstent echinis littora.

Sed quonam lateat, quod cupiunt bonum

Nescire cœci sustinent :

Et quod stelliferum transabiit polum,

Tellure demersi petunt.

Quid dignum stolidis mentibus imprecer ?

Opes, honores ambiant :

Et cùm falsa gravi mole paraverint,

Tum vera cognoscant bona.

*Lib. 4. Met. 2.*

Quos vides sedere cello

Solii culmine reges,

Purpura claros nitente,

Septos tristibus armis,

Ore torvo comminantes,

Rabie cordis anhelos,

Detrahat si quis superbis

Vani tegmina cultus,

Jam videbit intùs arctas

Dominas ferre catenas.

Hinc enim libido versat

Avidis corda venenis,

Hinc flagellat ira mentem

Fluctus turbida tollens,

Mœror aut captos fatigat,

Aut spes lubrica torquet.

Ergo cùm caput tot unum

Cer-

Cernas ferre tyrannos,  
Non facit, quod optat ipse  
Dominis pressus iniquis.

### III.

Vela Neritii ducis.  
Et vagas pelago rates  
Eurus appulit insulæ,  
Pulchra quâ residens Dea  
Solis edita semine,  
Miscet hospitibus novis  
Tacta carmine pocula.  
Quos ut in varios modos  
Vertit herbipotens manus,  
Hunc apri facies tegit;  
Ille Marmaricus Leo  
Dente crescit & unguibus :  
Hic lupis superadditus  
Flere dum parat, ululat :  
Ille, tigris ut Indica,  
Tecta mitis obambulat.  
Sed licet variis malis  
Numen Arcadis alitis  
Obsitum miserans ducem  
Peste solverit hospitibus ;  
Jam tamen mala remiges  
Ore pocula traxerant,  
Jam sues Cerealia  
Glande pabula verterant.  
Et nihil manet integrum,  
Voce, corpore perditis.

Sola mens stabilis manens  
 Monstra quæ patitur, gemit.  
 O levem nimium manum,  
 Nec potentia gramina !  
 Membra quæ valeant licet,  
 Corda vertere non valent !  
 Intus est hominum vigor  
 Arce conditus abdita.  
 Hæc venena potentius  
 Retrahunt hominem tibi  
 Dira, quæ penitus meant  
 Nec nocentia corpori,  
 Mentis vulnere sæviunt.

## IV.

Quid tantos juvat excitare motus,  
 Et propriâ fatum sollicitare manu ?  
 Si mortem petitis, propinquat ipsa  
 Sponte suâ, volucres nec remoratur equos.  
 Quos serpens, leo, tigris, ursus, aper  
 Dente petunt, iidem se tamen ense petunt.  
 An, diſtant quia diſſidentq; mores,  
 Injuſtas acies & fera bella movent ?  
 Alterniſq; volunt perire telis ?  
 Non eſt juſta ſatis ſævitæ ratio.  
 Vis aptam meritis vicem referre ?  
 Dilige jure bonos, & miſereſce malis.

## V II.

Bella bis quinos operatus annis

M

ultror



ultor Atrides, Phrygiæ ruinis  
 Fratris amissos thalamos piavit.  
 Ille dum Graiæ dare vela classi  
 Optat, & ventos redimit cruore,  
 Exuit patrem, miserūmq; tristis  
 Fœderat natæ jugulum sacerdos.  
 Flevit amissos Ithacus sodales,  
 Quos ferus vasto recubans in antro  
 Merfit immani Polyphæmus alvo.  
 Sed tamen cœco furibundus ore  
 Gaudium mœstis lachrymis rependit.  
 Herculem duri celebrant labores;  
 Ille Centauros domuit superbos,  
 Abstulit sævo spoliū leoni,  
 Fixit & certis volucres sagittis:  
 Poma cernenti rapuit draconi,  
 Aureo lævâ gravior metallo:  
 Cerberum traxit triplici catenâ.  
 Victor immitem posuisse fertur  
 Pabulum sævis dominum quadrigis;  
 Hydra combusto periit veneno;  
 Fronte turbatus Achelous, amnis  
 Ora demersit pudibunda ripis:  
 Stravit Antæum Lybicus arenis;  
 Cacus Evandri satiavit iras.  
 Quosq; pressurus foret altus orbis  
 Setiger, spumis humeros notavit.  
 Ultimū cœlum labor irreflexo  
 Sustulit collo, pretiūmq; rursus  
 Ultimi cœlum meruit laboris.  
 Ite nunc fortes ubi celsa magni  
 Ducit exempli via, cur inertes

Terga nudatis ? superata tellus  
Sydera donat.

*Lib. 5. Metr. 1.*

Rupis Achæmenix scopulis, ubi versa sequentum  
Pectoribus figit spicula pugna sagax,  
Tigris & Euphrates uno se fonte resolvunt,  
Et mox ab junctis dissociantur aquis.  
Si coeant, cursumq; iterum revocentur in unum,  
Confluat alterni quod trahit unda vadi:  
Convenient puppēs & vulsi flumine trunci,  
Mixtāq; fortuitos implicet unda modos:  
Quos tamen ipsa vagos terræ declivia casus  
Gurgitis & lapsi defluus ordo regit.  
Sic quæ permissis fluitare videtur habenis,  
Fors patitur frænos, ipsaq; lege meat.

II.

Puro clarum lumine Phœbum  
Melliflui canit oris Homerus.  
Qui tamen intima viscera terræ  
Non valet, aut pelagi, radiorum  
Infirmâ perrumpere luce.  
Haud sic magni conditor orbis;  
Huic ex alto cuncta tuenti  
Nulla terræ mole resistunt:  
Non nox atris nubibus obstat.  
Uno mentis cernit in ictu  
Quæ sint, quæ fuerint, veniantque.  
Quem, quia respicit omnia solus,  
Verum possis dicere solem.

Æsop

Æsopi Apologi aliquot à  
**RUFIO FESTO AVIENO**  
 in Elegos conversi.

*Rustica & Lupus. I.*

Rustica deslenti parvo juraverat olim,  
 Ni taceat, rapido quòd foret esca lupo.  
 Credulus hanc vocem lupo audiit, & manet ipsas  
 Pervigil ante fores, irrita vota gerens.  
 Nam lassata puer placidæ dat membra quieti,  
 Spém quoq; raptori sustulit inde fames.  
 Hunc ubi silvarum repetentem lustra suarum  
 Jejunum conjux sensit adesse lupa;  
 Cur, inquit, nullam defers ex more rapinam:  
 Languida consumptis sed trahis ora genis?  
 Ne mireris, ait, deceptum fraude malignâ  
 Vix, miserum v acuâ delituisset fugâ.  
 Nam, quæ præda rogo, quæ spes contingere posset,  
 Jurgia nutricis cum mihi verba darent?  
 Hæc sibi dicta putet, seq; hac sciat arte notari,  
 Fœmineam quisquis credidit esse fidem.

*Canceri II.*

Curva retro cedens cum fert vestigia cancer,  
 Hispida saxosis terga relinquit aquis.  
 Hunc genitrix facili cupiens præcedere gressu,  
 Talibus alloquiis præmonuisse ferunt.  
 Ne tibi transverso placeant hæc devia nate,  
 Rursus in obliquos neu velis ire pedes:

ad nifu contenta ferens vestigia recto,  
 Innocuos prono tramite filte gradus.  
 cui gnatus, faciam, si me præcesseris, inquit,  
 Rectâq; monstrantem certior ipse sequar.

*Boreas & Phæbus. I I I.*

mittis Boreas, placidûsq; ad sidera Phœbus  
 Jurgia cum magno conseruere Jove,  
 his prior inceptum peragat: mediûmq; per orbem  
 Carpebat solitum fortè viator iter.  
 Convenit hanc potius liti præfigere causam,  
 Pallia nudato decutienda viro.  
 Protinus impulsus ventis circumtonat æther,  
 Et gelidus nimias depluit imber aquas.  
 Ille magis duplicem lateri circumdat amictum,  
 Turbida summos quo trahit aura sinus.  
 Sed tenues radios paulatim crescere Phœbus  
 Jusserat, ut nimio surgeret igne jubar,  
 Donec lassâ volens requiescere membra viator,  
 Deposita fessus veste federet humi.  
 Tum victor docuit præsentia numina Titan,  
 Nullum præmissis vincere posse minis.

*Asinus pelle Leonis indutus. I V.*

Exuvias asinus Gætuli fortè leonis  
 Repperit, & spoliis induit ora novis,  
 Aptavitq; suis incongrua tegmina membris,  
 Et miserum tanto prellit honore caput.  
 At ubi terribilis animo circumstitit horror,  
 Pigrâq; præsumptus venit in ossa vigor:

Mi-

Mitibus ille feris communia pabula calcans,  
 Turbabat pavidos per sua rura boves.  
 Rusticus hunc magnâ postquam deprendit ab aure,  
 Correptum vinclis, verberibûsq; domat;  
 Et simul abstracto denudans corpora tergo,  
 Increpat his miserum vocibus ille pecus.  
 Forsitan ignotos mutato murmure fallis,  
 At mihi, ceu quondam, semper asellus eris.

*Rana & Vulpes. V.*

Edita gurgitibus olîmq; immersa profundo,  
 Et luteis tantum semper amica vadis,  
 Ad superos colles, herbosâq; prata recurrens  
 Mulcebat miseras turgida rana feras;  
 Se posse arte suâ gravibus succurrere morbis,  
 Et vitam innumeros continuare dies.  
 Nec se Pæonio jactat celsisse magistro,  
 Quamvis perpetuos curet in orbe Deos.  
 Tunc vulpes pecudum ridens astuta quietem,  
 Verborum vacuam prodidit esse fidem.  
 Hæc dabit ægrotis, inquit, medicamina membris,  
 Pallida cæruleus cui notat ora color?

*Camelus & Jupiter. VI.*

Corporis immensi fertur pecus îsse per auras,  
 Et magnis precibus sollicitâsse Jovem.  
 Turpe nimis cunctis; irridendûmq; videri,  
 Insignes geminis cornibus ire boves  
 Et solum nullâ munitum parte camelum,  
 Objectum cunctis, expositûmq; feris.



Jupiter arridens postquam sperata negavit,  
 Insuper ut magnæ sustulit auris onus,  
 Vive minor merito, cui sors non sufficit, inquit.  
 Et tua perpetuum livide damna gеме.

*Viatores & Ursa. V I I.*

Montibus ignotis curvisq; in vallibus arctum  
 Cum socio quidam suscipiebat iter.  
 Securus quodcumq; malum fortuna tulisset,  
 Robore collato posset uterq; pati.  
 Dumq; per inceptum vario sermone feruntur  
 In mediam præceps convenit ursa viam.  
 Horum alter facili comprehendens robora cursu,  
 In viridi trepidum fronde pependit onus:  
 Ille trahens nullo jacuit vestigia gressu,  
 Exanimem fingens, sponte relisus humi.  
 Continuo prædam cupiens fera sæva cucurrit,  
 Et miserum curvis unguibus ante levat;  
 Verum ubi concreto riguerunt membra timore:  
 ( Nam solitus mentis liquerat ossa calor, )  
 Tunc olidum credens, quamvis jejuna, cadaver  
 Deserit, & lustris conditur ursa suis.  
 Sed cum securi paullatim in verba redissent,  
 Liberior justo qui fuit ante fugax,  
 Dic sodes, quidnam trepido tibi rettulit ursa?  
 Nam secreta diu, multaq; verba dedit.  
 Magna quidem monuit: tamen hæc quoq; maxima  
 Quæ misero semper sunt faciendâ mihi: ( jussit  
 Ne facile alterius repetas consortia, dixit  
 Rursus ab insanâ ne capiare ferâ.

*Eques*

*Eques Calvus. VIII.*

Calvus eques capiti solitus religare capillos,  
 Atq; alias compto vertice ferre comas,  
 Ad campum nitidis venit conspectus in armis,  
 Et facilem frænis flectere cœpit equum.  
 Hujus ab adverso Boreæ spiramina præstant  
 Ridiculum, populo conspiciente, caput.  
 Nam mox dejecto nituit frons nuda galero,  
 Discolor appositâ quæ fuit antè comâ.  
 Ille sagax, tantis quod risus millibus esset,  
 Distulit admotâ calliditate Jocum.  
 Quid mirum adscitos referens fugisse capillos,  
 Quem prius æquævæ deseruere comæ?

*Taurus & Leo. IX.*

Immensum taurus fugeret cùm fortè leonem.  
 Tutâq; desertis quæreret antra vijs:  
 Speluncam reperit, quam tunc hirsutus habebat,  
 Cyniphijs ductor qui gregis esse solet.  
 Post ubi submissâ meditantem irrumperè fronte  
 Obvius obliquo terruit ore caper:  
 Tristis abit, longâq; fugax de valle locutus.  
 ( Nam timor expulsum jurgia ferre vetat )  
 Non te demissis setosum, putide, barbis,  
 Illum, qui superest consequiturq; tremo.

*Plura ad manum sunt, verùm hîc esto*



**FINIS.**

L'AUTOMATE <sup>3</sup>.

D E

LONGITUDE.

Nouveau Système d'Hydrométrie;  
par les Périodes d'un Mouve-  
ment Nautique, qui marque à  
un Cadran, les Lieux qu'un  
Navire fait dans sa Route.

Présenté à nos Seigneurs les Commissaires  
de la GRANDE BRETAGNE  
pour l'Examen des Découvertes sur  
la Longitude.

---

*Par* ALLAIN PITOT.

---

A L O N D R E S :

Imprimé, aux depens de l'Auteur & se vend chez  
Paul Vaillant dans le Strand. MDCCXVI.